

LIBHALISAMU KAGILEYADI

1  ...kusho lokunengi. Asichubeke nekuma umzuzwana sentele umkhuleko. Ngihlala njalo ngitsandza kukhuluma neMcambi ngaphambi kwekutsi ngivule iNcwadzi yaKhe. Anicabangi kutsi loyo ngumcondvo lomuhle?

2 Lomunye bekakhuluma ngalesinye sikhatsi, ngasho *lenye intfo letsite*, ne—nalendvodza yatsi, bekangumngani wami lolungile, linengi lenu nonkhe liyamati, futsi ushumayela ngetilwimi letisikhombisa, Booth-Clibborn, nivile ngaye, ngiyacabanga, William Booth-Clibborn, futsi watsi kimi, watsi, “Kodvwa, Mnaketfu Branham, awulati nje liBhayibheli lakho.”

3 Ngatsi, “Kodvwa ngiyamati kahle kakhulu uMcambi.” Loko yi...?...Uma ngimati uMcambi, khona-ke ngicabanga kutsi Utongifundzisa Livi laKhe. Ngako, asikhulume naYe manje, ngaphambi kwekutsi singene eVini laKhe.

4 Babe wetfu loseZulwini, uMcambi waleLivi, uMcambi weLivi laNkulunkulu, “Livi bekanguNkulunkulu futsi wentiwa inyama, futsi wakha emkhatsini wetfu,” sisondzela kuWe eGameni laJesu, iNdvodzana yaKho, uMsindzisi wetfu. SiyaMtsandza, Babe, nganca yekutsi Walalela kwaze kwaba sekufeni. Lulaka lolwalutofika etikwetfu lwatfululelwia etikwaKhe eKhalvari, lapho Wahlupheka esikhundleni setfu kute sikhululeke. Akumangalisi bantfu bangakaze bakhone kuvakalisa kutsi lutsandvo luni Babe lebekanalo ngesive sa-Adamu lesiwile, kunikela ngeNdvodzana yaKhe kutsi ihlupheke, kusihlenga ngemusa waKhe.

5 Futsi, Babe, siyakhuleka, kusihlwa, kutsi Utosibusisa emitameni yetfu, kusihlwa, njengoba sita kutohlanganyela eVini. Kwangatsi Livi lingaba sibane etinyaweni tetfu, kuKhanya lokutosihola, kujula lokujulile, nekuphakama lokuphakeme elutsandvweni lwaNkulunkulu. Futsi upholise labagulako kusihlwa, Babe. Lobu busuku lesitokhulekela labagulako ngabo, sicela kutsi Utobaphilisa bonkhe.

6 Busisa lelibandla lelincane, O Nkulunkulu, busisa walo loligugu, umelusi lomncane, uMnaketfu Buntain, nemnakabo lotsandzekako lengisandza kuhlangana naye nje futsi ngachawulana naye lovela eCalcutta, ngiyakhuleka, Babe, kutsi Utobusisa labafana laba. Futsi cabanga ngababe wabo lomdzala lomesabako nkulunkulu etulu lapho, futsi ngesikhatsi abatfwala lapho njengebafana labancane, kanjani, mhlawumbe, wakholwa kutsi ngalelinye lilanga Uyokwenta bafundisi ngabo kanjena, futsi siyajabula, Nkhosi, Nkulunkulu uyawuphendvula umkhuleko, siyakwati. Ngako, phendvula wetfu kusihlwa,

Babe, futsi utfole inkhatimulo ekubutsaneni kwetfu ndzawonye. Sikucela, eGameni laJesu. Amen.

⁷ Ningahlala phansi. Lena yinhlanhla lenhle kakhulu kuhlangana enkonzwensi yaNkulunkulu. Futsi niyati, cishe ngesikhatsi sitfola wonkhe umuzwa longakejwayeleki ususwa, khona-ke sekusikhatsi sekuhamba, niyabona. Uma singena, futsi nje njalonjalo sitsi, “Sawubona?” bese-ke inkonzo yonkhe seyinsha, nami ngimusha, futsi intfo yekucala niyati kutsatsa sikhashanyana kusenta sonkhe sitsi kwatana lomunye nalomunye, akutsi Moya loyiNgcwele ahambe emkhatsini wetfu kubona kutsi sibananektfu nabodzadze, niyabona, kutsi akukho lokuliphutsa ngatsi, futsi nje sibantfwana baNkulunkulu.

⁸ Nenkonzo Nkulunkulu langinika yona, ngani, yenu, futsi lutsandvo, kuvakalisa kwelutsandvo. Bese-ke sitsi, “Uhambe kahle,” bese sisuka siya kulenyne indzawo. Futsi ngetama, angisalikhumbuli ligama laleyondzawo, ngiyibita... Billy watsi, “Ucabanga kutsi siyaphi, Babe?”

⁹ Ngatsi, “Venezuela.” Loko bekungaba khashane kakhulu, bekungeke? Kodvwa noko, sikesaya eVenezuela, sendlulile, asikaze sibe netinkonzo lapho.

¹⁰ Kodvwa—kodvwa silindzele iNkhosi itsandza... Ngihlangene nemngani wami lolungile uMnaketfu Kopp emuva lapho, futsi ufuno, kusimema sibuyele eCalifornia futsi, bese—bese kuba tindzawo letehlukene etiveni tonkhe. Futsi sifanele sicedzele tonkhe tingcogcswano tetfu leti—leti... Sikwenta kanjani loko... Umelusi bekasho lokutsite ngalelelinye lilanga, kutsi tikanjani letottingcogcswano lesikhulume ngato.

¹¹ Yebo-ke, kukhona—kukhona tintfo etimphilweni tebantu labangati kutsi batoya ngakuphi, nje ba—nje basekupheleni kwemgwaco, nguloko kuphela. Abati... Ngikholwa kutsi Livi laNkulunkulu licatulula yonkhe intfo lesiyidzingako, anikukholwa? Kunjalo. Kodvwa manje, sibonelo nje, uma bekungasho lokutsite ngensindziso, khona-ke Livi laNkulunkulu liyakuchaza.

¹² Manje, kodvwa uma-ke kuyintfo letsite Livi laNkulunkulu lelingakayibhali *Lapha?* Khona-ke Nkulunkulu akadzingi lutfo, Uftumela tiphiwo letehlukene kunakekela loko. Bese-ke, eThestamentini leLidzala si... iNkhosi yasinika emadvodza lebebaya kuwo, futsi batsatsise kuwo futsi babute ngaloko lokwakutokwenteka. Futsi bakhuliswa kusukela eluswanenii kuya etulu, futsi bebaneLivi leNkhosi, futsi bativela bacinisekile kutsi uma lomboni bekangabona kutsi iNkhosi yatsini kubo, yebo-ke, loko—loko kwaku—kwakunguloko-ke.

¹³ Yebo-ke, angisuye umboni, angisuye umprofethi, kodvwa ngi—ngiweTive tatane nje iNkhosi lengivumele ngisetjentiswe kusita bantfu beTive kuletinsuku leti, niyabona. Ngikholwa kutsi kutsatfwa ndzawanatsite eBhayibhelini njengeluhlobo

lolutsite lwesiphiwo, kodvwa noma ngabe kuyini, loko, kuncane, futsi loko akusiko lokubalulekile kuko, kunguloko lesingakwenta kusita umuntfu kutsi asondzele kakhulu kuNkulunkulu.

¹⁴ Futsi indlela lesenta ngayo, bantfu babhalela ekhaya, bese-ke sitfola emakheli abo, bese-ke basayina ligama, bese sibatfumelela emuva likhadi. Futsi nomakuphi kuloyo mmango, kuloyo mmango, khona-ke sibatfumelela ligama kutsi ngubani lotokuta. Yebo-ke, khona-ke ngesikhatsi selusuku, njengalapha sizatfu labanengi benu bebangati kutsi kungani besite letinkonzo leti tekubona lokufihlakele njalo ebusuku, ngani, sikhatsi sasemini sikukhipha konkhe, niyabona, futsi ubutsakatsaka kakhulu futsi ukhatsele, uze ungakhoni kukwenta ebusuku.

¹⁵ Futsi ngako si... Bantfu bayangena futsi bahlale phansi. Angibati kutsi babobani, angibabuti. Futsi silindza lapho nje aze Moya loyiNgcwele efike futsi akhiphe yonkhe lentfo, abatjele kutsi benteni, lapho benta khona liphutsa labo, loko labafanele bakwente, na—nayo yonkhe intfo ngendlela nje le...

¹⁶ Futsi nitomangala, bodokotela, bameli, bosomabhizinisi, nayo yonkhe intfo eveni lonkhe, bavela e-Africa, bavela e-Asia, bavela eJalimane, bavela eSwitzerland, bavela eveni lonkhe, bahleti ekhatsi lapho balindzile, tinyanga, nako konkhe lokunye. Futsi siyatibhala nje, esikhundleni sekutsi tonkhe tilakanyane etulu lapho, nalabanengi babo baya ekhaya bajabhile, silindza nje kute kufike sikhatsi sabo bese-ke siyabangenisa.

¹⁷ Manje, eCalifornia, lapha, sinemihlangano. Futsi lapha labanye bantfu bebasolo balindzile iminyaka lemtsatzu noma ngetulu. Bese-ke, masinyane nje uma singafinylela kubo, asihambi, sihlala khona lapho aze Moya loyiNgcwele akhulume. Bese-ke bayati kutsi benteni, ubatjele kutsi kwentiwa kanjani, nendlela lokungayo, futsi akukaze kwehluleke nakanye, ngoba nguNkulunkulu. Siyabonga ngaloko, sibonga kakhulu kuBabe wetfu loseZulwini kutsi... nebafundisi ngemakhulu. Ngako si—sinelikamelo lesibayisa kulo, futsi bayati kutsi sinini sikhatsi sabo sekubonana nabo, futsi nje impela kutsi kunini. Khona-ke ku...sita nje...

¹⁸ Manje, ngaletinye tikhatsi ngitobe ngiphumile ngihambahamba, noma mhlawumbe ngisemkhulekwemi ngalomunye umuntfu, futsi Utongikhombisa umbono wekutsi ngihambe ngiyofola umuntfu lotsite, noma ngente lokutsite, khona-ke ngiyesuka ngco futsi ngente loko khona manje, ngoba loyo nguNkulunkulu cobo lwaKhe akhuluma, akusebentisa, niyabona. Ngako ngiqlala njalo ngenta nje njengoba... ngitama kwenta njengoba Angitjela. Ngiyacolisa kusho kutsi ngiMentela phansi tikhatsi letinengi kakhulu. Nginemahloni ngami embikweLibandla laKhe kusihlwa, kwenta kuvuma

lokunjengaloku, kodywa kunetikhatsi letinengi kutsi—kutsi ngiMentele phansi, futsi ngi... Ngikhulekeleni kutsi ngi—kutsi ngeke ngiMentele phansi kwendlula lokungakhonwa sidalwa lesingumunfu.

¹⁹ Mine, tikhatsi letinengi, ngiyati kube ngangihambile futsi ngenta tintfo letitsite, kwakuyoba ngulokwehlukile. Kodywa nje umunfu lotsite akudvonsa *ngalendlela*, nalomunye advonsa *ngalendlela*, futsi—futsi ku—kulukhuni kakhulu, nebangani labakahle lenibatsanza kahle sibili, futsi—futsi ngaletinye tikhatsi uyaphuma entsandvweni yeNkhosi, empele ni, kuluhlobo lwenkonzo lephindivwe kabili. Lena yinkonzo yekuvangela. Leyo lenye... Niyakhumbula kutsi baboni labadzala benta kanjani? Bahlala ngephandle ehlane, bahlala ngephandle lapho waze Nkulunkulu wabatjela kutsi bente lokutsite, bangena ngco, banikete umlayeto wabo, base babuyela ehlane futsi. Niyabona na? Futsi ngulowo umehluko wako.

²⁰ Manje, kodywa sijabula kakhulu kwati kutsi Babe wetfu loseZulwini, wellThe testamenti leLidzala, yena Loyo lobekakuJesu Khristu iNdvodzana yaKhe, nguye Loyo lofanako eBandleni laKhe namuhla, niyabona. O, akuyijabulisi yini nje inhlitiyo yakho kwati kutsi ngelusuku lapho kunalokunengi kakhulu...? Batsi yebo-ke, tinhlangano letehlukene titsi, “Sinako, wota ngalapha.” Tive letehlukene titsi, “Sinako, wota ngalapha.” Kodywa NguYe lonako.

²¹ Ngako, sijabula kakhulu nje kutsi Uyehla futsi uyasifikazela ngeliBhayibheli, loko nje Latokwenta, futsi ehle futsi ente nje loko Latsi Uyokwenta, bese-ke ubuka emuva lapho eBhayibhelini futsi ukubone nje likhasi nelikhasi kuvuleka njengoba Atsi Uyokwenta. Kuyamangalisa, kuyamangalisa!

²² Bangakhi loneliPhimbo leMadvodza labosomaBhizinisi kulesikhatsi lesi? LiPhimbo lemaDvodza labosomaBhizinisi. Ngiyayifkokotela leyondzatjana lencane, loyombono, ufake incenye yako ekhatsi lapho lokuhle kakhulu kutsi, ngicabanga kutsi kwabhalwa nguMnaketfu Tommy Hicks. Loko-loko kwenta luntjintjo kimi. Ngangihlala njalo ngikwesaba kuwa, ngangicabanga kutsi ngiyo... ngangingafuni kuba ngumoya.

²³ A—angati lutfo, kungalesosizatfu kutsi iNgelosi yeNkhosi, Lekhulumu nami, ngiyati yaNkulunkulu. Ngoba U... Indzawo yekucala, kube Bekangangitjela intfo yinye lebeyingesilo Livi laNkulunkulu, bengingeke ngikukholwe. Cha, mnumzane. Angikhatsali kutsi kuyini, kufanele kube Livi laNkulunkulu. Niyabona na? Futsi kukhona tonkhe tinhlobo tetingelosi niyati, siyakwati loko. Kodywa i... Pawula watsi, “Uma iNgelosi ifika futsi ishumayele noma nguliphi lelinye livangeli kunaleli lengilishumayelile...” Niyabona na?

²⁴ Futsi ngesikhatsi ngifika lapho, nalona lomncane, angati, angifuni kutsi, ngilingise Pawula loNgcwele lomkhulu, impela ngeke, bengingeke ngikwentele lite loko, Angati, mhlawumbe kwakungumbono, kodvwa yinye intfo lengiyatiko, ngangingakalali. Futsi—futsi uma kwakungumbono, angikaze ngibe namunye lonjalo phambilini emphilweni yami. Ngangitsi nje kuphakama njengaletotinsika, noma emakabha, lenikubita kanjalo *lapho*, lawomathayela esilingi *lapho*, ngitsi nje angiphakame kangako ngibuke emuva ngco kimi lucobo. Futsi njengoba nje ngime khona lapha, ngibuka emuva ngco, futsi ngangitibona ngilele lapho, ngaba nekutivela lokungakejwayeleki sibili, ngacabanga kutsi ngangibe nekuhlaselwa yinhlitiyo futsi ngangifile. Futsi ngacabanga, “Yebo-ke, uma loku kukufa, hhe, loku kuyamangalisa!”

²⁵ Futsi ngi—ngiyanitjela maKhristu khona manje, aninayo ngisho nayinye intfo lenifanele niyikhatsateke, uma nikuKhristu. Ungakwesabi kufa, kufa akunakwesaba kuko, cha, cha, cha, kuyinjabulo.

²⁶ Futsi ngahlangana nalabo besifazane lapho. Futsi, ecinisweni, ngi—ngiyeva, ngaletinye tikhatsi, bengilukhumi kancane kubodzadzewetfu. Ngi...Hhayi—hhayi kutama kuba nesibhuku, kodvwa a—angifuni bafane nalo lonkhe live, ngi—nginemona ngabo. Niyabona na? Mine, nje, ngi—ngifuna babe ngemaKhristu sibili, ngifuna babukeke njengako, batiphatsise kwako, futsi bafane nako, futsi babe ngibo lucobo.

²⁷ Mine, futsi kungalesosizatfu ngishisekela ngebazalwane bami. Angibafuni baphambukele emavangelini lamadzadlana enhlaliswano, njengoba niphuma emshinini wekuchobosela ngephandle lapha, Ngifuna babe ngemadvodza sibili aNKulunkulu, beme futsi bangancemphetisi kuleloLivi, balibeke impela ngephandle lapho. Loko yi—loko yi...Akusiko kutsi ngitama kulimata bazalwane bami, ngi—ngibatsandza kakhulu ngaloko, ngibatsandza kakhulu bantfu ngaloko. Kodvwa, empeleni, lutsandvo luyajuba, benikwati loko?

²⁸ Manje, make, ngifuna kukubuta lokutsite, noma indvodzakati lengakabi ngumake kwamanje: Uma—uma make wakho, noma umntfwanakho, bekangehandle lapha esitaladini, futsi niyawati lawomambuka lamancane agijima adzabula kulesositaladi, nawo adzakwe hhafu, nayoyonke intfo, loyomntfwana utobulawa, futsi angeke ahlale ngephandle kwesitaladi, bewungatsi, “Yebo-ke, s’tandwa, chubeka nje uhlale ngephandle esitaladini, ngiyacabanga loko kutolunga”?

²⁹ Hhayi i...Bewungeke ulutsandze loloswane uma wente kanjalo. Lutsandvo lwangempela beluyophumela lapho, futsi bewuyolucondzisa kankalo futsi ulubhacabulile, luze luhlale ngephandle kwalesositaladi. Ngabe kunjalo? Khona-

ke ningangitfukutseleli. Niyabona na? Ngifuna nje nikhweshe etintfweni telive, nguloko-ke, khweshani kuko nje, sukan i kuko.

³⁰ Manje, tinhlangano, niyangiva ngitibhansuta kanye ngesikhatsi. Manje, angikacondzi kusho kutsi inhlangano ayikalungi. Cha, mnumzane. Kodvwa niyabona, ufika nje endzaweni lotsi, “Ngiwase Church of God.” “Ngiwase Assemblies.” Loko kuyafana nje njengoba wawuvamise kuhlekisa ngeMethodisti isho loko, neBaptisti nePresbyterian, futsi singene ngco emseleli lofanako. Niyabona na? Manje, leto tilungile, iMethodisti ilungile, iBaptisti ilungile, I-Assemblies of God, iChurch of God, onkhe, alungile.

³¹ Kodvwa mnaketfu, uma, uyabona, akunandzaba kutsi kukuphi, manje, bantfu labanemcondvo wakamoya, ngyetsema niyacondza, nitobukisisa, kutsi intfo yekucala niyati, njengemjikeleto wekucala webaphostoli nje, bonkhe bagcwaliswa ngaMoya, umjikeleto wesibili ucalu kudedu, umjikeleto wesitsatfu udeda futsi, futsi umjikeleto wesine, bachubeka baphuma bangena ebuhedenini. Bese-ke kuba buRoma, nebuHedeni, nebuKhristu, futsi konkhe kuLangana ndzawonye base benta libandla lemhlaba wonkhe. Futsi kusukela lapho...

³² Niyabona, leyo yintfo lefanako, Martin Luther bekanemvuselelo sibili, ngesikhatsi Luther asaphila, wayigcina icondzile. Benati yini kutsi Martin Luther wakhuluma ngetilimi? Yebo, mnumzane, impela wakwenta. Futsi bekanetibonakaliso letinkhulu netimanga. Kodvwa ngesikhatsi Luther afa, kwentekani? Libandla lahlela, futsi nalo lihamba. Lomunye umjikeleto wawukhuphuke ngemshini wekuchobosela, futsi tonkhe tesuka tahamba.

³³ Manje, niyabona, Martin Luther, kwenteka wayibona iNsika yeMlilo lenkhulu, futsi waYilandzela. Futsi, kodvwa wentani... bentani? Bahlela ngco ngaphansi kwaleNsika yeMlilo, futsi ungeke wamhlela Nkulunkulu. Ngako, iNsika yeMlilo yahamba, naLuther akakhonanga kuhamba naYo ngoba bekaheliwe.

³⁴ Khona-ke John Wesley wabona, futsi wesuka wahamba ekungcwelisweni. Futsi bentani emvakwetinsuku taWesley? Balihlela. Futsi lentani-ke ngesikhatsi umbhabhatiso, khona-ke Laphuma futsi, umbhabhatiso waMoya loNgewe? Khona-ke iPhentekhostali yakubona, futsi basuka bahamba bakulandzela. Kodvwa bentani? Intfo lefanako bonkhe lalabanye labayentile, bahlela ngaphansi kwako ngco. Emvakwemjikeleto wekucala wabobabe labadzala, cishe emashumi lamane, iminyaka lengemashumi lasihlanu leyendlula, labafo labasha bayangena, khona-ke bafo labasha nebatukulu bacala kuta. Nako laph'ukhona, niyabona, emuva ngco, intfo lefanako.

³⁵ Kodvwa khumbula, mnaketfu, loyoMlayeto ufanele unyatise sive, noma, unyatise liBandla. Ningabuki intfo

letsite lenkhulu kutsi *yehle onkhe* emaphaseji, uMlayeto waNkulunkulu uyoba seBandleni lelikhetsiwe impela. Letibonakaliso leti netimanga atiyuze tentiwe embikwelive, atikafaneli tentiwe.

³⁶ Umengameli weRose Whiskey Company, umkakhe bekanguye, uyiMissionary Alliance, futsi bekakulomunye wemihlangano, wabita uMnaketfu Bosworth, lokwakuMissionary Alliance, futsi watsi, "Intfo yako ikutsi, awusiyekeli lesosiphwi sicale." Watsi, "Lengikubonile itolo ebusuku kuyokwentiwa kutinhloko-dolobha, nakanjalonjalo, tesive, ngani," watsi, "kuyogucula, kuletse umhlaba wonkhe ebuKhristwini." Kodvwa niyabona, akutfunyelwanga kutinhloko-dolobha titive, niyabona, kutfunyelwe eBandleni lelikhetsiwe. Niyabona, ani...

³⁷ "O," batsi, "faka ligama lakho etimphawini letinkhulukati, bese ushaya tinhloko hhovisi letinkhulu, ungene kumabonakudze." Bekungakacondzisa loko, ngangitfunyelwe kini nje, liBandla, niyabona, nguloko-ke. Manje, Likholweni ngayo yonkhe inhilitiyo yenu.

³⁸ Ngifuna kusho lapha, ngisesendlini yekukhontela, lesi impela kube sikhatsi lesimangalisako setfu, siyamtfokotela uMnaketfu Buntain, nakulabo lesisebenta nabo, nebazalwane, nonkhe nine bantfu. Futsi ikakhulukati nine bantfu, uma tinkonzo tekuphilisa tingekho, nita nje futsi nime lapha, nilima, futsi nje niliyekele liwele noma ngukuphi lapho lifuna khona, futsi, kodvwa nje lihlale ngekwetsembeka eVini.

³⁹ Angikaze ngisho nalinye livi lengingalesekela, futsi angikaze ngisho nalinye livi liBhayibheli lelingalisho, kunjalo, noma ngingakufakazela ngemBhalo, ngako bekukanye neLivi ngco. NaMoya loyiNgcwele lobusisiwe ufiike ngco ngaso sonkhe sikhatsi, acinisa Livi ngco, impela nje.

⁴⁰ Nani nine bantfu labatsandzekako benita njalo ebusuku, futsi nagwalisa lendzawo, futsi nita ngco. Ngiyakutfokotela loko, loko kuhle sibili. Ngikhulekela kutsi kungabikho namunye wenu lotolahlekwa, wonkhe wonkhe wenu utoba seMbusweni waNkulunkulu, futsi, ngiyakhuleka.

⁴¹ Ngikhulekela kutsi kutobakhona...lemvuselelo ayiyuze iphele kulelibandla lelincane le-Assembly of God lapha ekoneni. Ngikhulekela kutsi kuKhanya nemandla aNkulunkulu atosabalala kuloku, kute kutsatse lonkhe luGu lwaseNshonalanga, futsi ngi-ngiyetsema kutsi leli kutoba libandla lesibonelo, ngiyakwenta. Nalamanye ema-Assemblies of God, nemaBaptisti, nemaMethodisti, nandzawo tonkhe, futsi nje bokheleka, ndzawo tonkhe.

⁴² Niyabona, basalwane, asikehlukani, si-singeke sahlukaniswa, sitidalwa letibantfu. Niyati, emaMethodisti adla luhlobo lolufanako lwekudla lenikudlako? EmaBaptisti

enta intfo lefanako. EmaKhatolika atsandza bantfwana bawo njengoba nje nani nitsandza benu; Emadvodza emaKhatolika atsandza bafati bawo njengoba nitsandza bafati benu, nemadvodza, bafati bayatsandzana; bafuna kuya eZulwini ngalokufanako njengoba nenta. Niyabona na?

⁴³ Ngako kungavumelani kwetfu lokuncane, asikukhohlwe loko, asifinyelelise umkhono kuwowonkhe umunffu, yelula sandla nje, bese uyadvonsela ekhatsi, ngelutsandvo eMbusweni waNkulunkulu.

⁴⁴ Niyacaphela kutsi Wangitjela kutsini? Bengihlala njalo ngikhola, futsi ngihlala njalo ngikhola, kutsi lawomandla elutsandvo angetulu kwekukhuluma ngetilimi, kungetulu kwekumemeta, kungetulu kwanoma yini lengiyatiko, bekuhlala njalo kusicubulo sami:

Wundlu lelifako lelitsandzekako, iNgati
yaKho leligugu
Alisoze lalahlekelwa ngemandla alo,
Lize lonkhe liBandla laNkulunkulu
lelihengiwe,
Lisindziswe kutsi lingabe lisona.

Kusukela ngekukholwa ngawubona
loyoMfudlana,
Tilondza takho letigeletako,
Lutsandvo loluhlengako belusicubulo sami,
Futsi luyobangiso ngize ngife.

⁴⁵ Khona-ke uma ngilitsandza ngekweliniso liBandla laNkulunkulu, lelo Khristu lalitsenga ngeNgati yaKhe luCobo, ngingathula kanjani futsi ngiKubone kuba kubi kakhulu? Ngingeke ngikwente, ngingeke nje, mnaketfu. Uma bazalwane bami bangicosha, a—angikwati nje kutibamba, niyabona, kodywa ngi—ngifanele ngihlale ngekwetsembeka kuleLivi, niyabona, ngumsebenti wami—wami.

⁴⁶ Manje, sitoba nelilayini labakhulekelwako kusihlwa, futsi sikhulekele labagulako. Futsi ngako, nginesiciniseko kutsi loko kungaba yindlela lenhle yekuvalwa kwenkonzo lapha ebandleni. Futsi bangitjela kutsi banginika umnikelo welutsandvo lapha ebandleni. Yebo-ke manje, a—angikakuceli loko, bangani, angiketeli loko lapha, ngitela inhilanganyelo nani, nanmelusi wenu lomncane lapha, mine, nguloko lengikutelako, hhayi umnikelo. Uma ungalokotsi unikete nalelilodvwa lisentl elibovu, buyo... Ngiyofana nje, niyabona, Ngi—ngiyakutfokotela ngalokufanako nje, niyabona, futsi akusiko lapho...

⁴⁷ Angikaze emphilweni yami, ngineminyaka lengemashumi lasihlanu nakunye budzala, bengishumayela liVangeli iminyaka lengemashumi lamatsatfu nakunye, Ngelusa liTabernakeli leBaptisti iminyaka lelishumi nesikhombisa, futsi angizange

ngitsatse umnikelo emphilweni yami, angizange emphilweni yami. Ngelusa iminyaka lelishumi nesikhombisa ebandleni leBaptisti lapho eJeffersonville, e-Indiana, futsi abazange babenelipuleti lemnikelo ebandleni. Kunjalo. Hhayi ngoba bebangeke bakwente, ngoba ngangikhona kusebenta, ngako ngavele ngaphuma ngase ngiyasebenta, umsebenti lolukhuni, futsi, ngihamba emashumi lasihlanu, emakhilomitha langemashumi latfupha ngelusuku, ngigadzile, netintfo letinjalo, ngidzabula ehlane, futsi ngisebenta etintsanjeni tagezi lomkhulu, nanoma yini lokunye kuta kutosebenta, ngitiphilise, ngangingesuye umtfwalo kubantfu.

⁴⁸ Ngiyayitsandza iNkholosi, nguloko-ke, niyabona, akusyo imali, akusito letotintfo, ku—kutama kutfola liBandla laNkulunkulu, natsi sonkhe ndzawonye, kutsi senyukele kuloloHlwitfo lolukhulu. Ngibuke kuphela, nguloko lengikubukile, njengoba nginitjelile ngekugibela libhayisikili. Uma ubuka *lapha* kutsi kwentekani manje, impela uto—utobaleka usuke ebhodini, kovwa uma nje ugcina liso lakho ekugcineni, futsi ubambelele ngci, chubeka nje ubuke kuphela, niyabona, ungeke wetfuke kakhulu, niyabona. “O, *loku* kutoba kanjani? *Loko* kutoba kanjani?”

⁴⁹ Uma ngingena emhlanganweni, ngalesinye sikhatsi, ngicaphela bafana bami, ngibabitu kanjalo, licembu lami, bayongena, “Mnaketfu Branham, loku kwahamba...” Ngisolo nje ngibukisisa siphambano, niyabona, chubeka nje uhambe, kutolunga, kulungile. Akukaze kwehluleke namanje, ngako ngeke nje kwehluleke, nguloko kuphela. Nkulunkulu wakwetsembisa, futsi kungeke kwehluleke, Nkulunkulu washonjalo. Futsi ngako siyaMtsandza ngaloko.

⁵⁰ Manje, sitofundza umBhalo, futsi nje sibe nalamancane—emavi lambalwa kusihlwia. Futsi kusasa ebusuku, manje, sitoba sentasi eHholeni lenkhulu yaMasipala. Futsi ngiyacolisa kutsi—kutsi sakhe lamahlukanandlela lomncane ngalokukhulu kushesha, indlela lesenta ngayo, kuyantjintja, njalo. Ngiyacabanga, bazalwane, labanye babo bacabanga kutsi mhlawumbe kutonika bantfu indzawo lenengi kute bakwati kwetsamela libandla.

⁵¹ Futsi ngiyetsema kutsi akekho loya kulamabandla lamahle ngalapha, loto—lotophutselwa tinkonzo tabo kusasa ebusuku, Ngi—ngiyetsema kutsi abakwenti. Uma banendzawo yekusebentela, beme kuloko. Kutsi ume endzaweni yakho yemsebenti ebandleni lakho, noma ngabe uyaphi, futsi ukhokhe kweshumi kwakho kuko, futsi utsandze umelusi wakho, futsi umkhulekele. Futsi uma udzinga kukhulekelwa, mcele, uyindvodza yaNkulunkulu, utokukhulekela. Futsi Utowuphendvula umkhuleko wakhe, ngalokufanako njengoba Atokwenta kuwami, noma wanoma ngubani lomunye,

ngoba empeleni, kukholwa kwakho kuNkulunkulu lokwenta umsebenti, kunjalo, impela nje.

⁵² Manje, nonkhe banini kahle, futsi Nkulunkulu abe nani njalonjalo. Futsi ngiyetsema kubuya elugwini lapha futsi, ngivakashele entasi kwendlula lapha futsi kule-Assembly of God lencane, ngikhuphuke, nginconcotse emnyango, ngiyetsema niyangivumela ngingene, futsi ngiyangena, nginishumayelele futsi, futsi sinesikhatsi lesincane senhlanganyelo ngalapha. Futsi nitjela belusi benu, nakanjalonjalo lapha, nine lenivakashela lapha, ngibanike lutsandvo lwami netinhloniph, futsi ngitame kumchazela lengitama kukwenta, utama kubamba liBandla laNkulunkulu lophilako libe ndzawonye njengebunye bunye, uMtimba munye lomkhulu. Ngialitsandza leloculo:

Asikehlukani,
Sonkhe singuMtimba munye;
Munye etsembeni nasemfundzisweni,
Munye elutsandvweni.

Phambili, masotja langemaKhristu!
Nimasha kwangatsi nya emphini.

⁵³ Futsi manje, emakhadi ekukhulekelwa atoniketwa kusasa ebusuku ngensimbi yesitfupha nco, eHholeni iMinicipal. Futsi manje, kuleto, sizatfu senta loko, kuneticuku letinengi kakhulu kuko, bese-ke bayahamba bafuca, bafuca, lomunye atsi, “Ngifike kucala lapha,” niyati kutsi kunjani, u—ungeke nje ukwente, ufanele ubanike likhadi. Futsi lelikhadi alinalutfo ngaphandle nje kwenombolo lencane kulo, ngako vele ugcine inombolo yakho, futsi uma inombolo yakho ibitwa, yenyuka.

⁵⁴ Manje, ngicabanga kutsi nguloko kuphela lebengitokusho kusihlwa, futsi ngasho... Nebahlabeleli, liculo, ikwaya, nabo bonkhe, ngiyabatfokotela, wonkhe umuntfu. Nalelocembu lelihlabele manje ekuseni, ini, Squire? Squire? Hhe, bebabahlabeleli labamangalisako! Futsi loyodzadze lomncane etulu lapho lohlabelako, bekangulolungile, dzadze lomncane, lomncane, bekabukeka njengewaseNorway lomncane kimi. O, uma alapha, futsi angekho, anginatinwele lengingatidvonsa, ngako...

⁵⁵ Niyati, ngangikama tami letintsatfu noma letine lengatishiya, ngalelelinye lilanga, nemkami watsi kimi, watsi, “Billy, uyati kutsi ucishe ubenemphandla?”

Ngatsi, “Kodwva angikalahlekelwa ngisho nangulunye lwato.”

Watsi, “Ini?”

Ngase ngitsi, “Angikalahlekelwa ngisho nangulunye lwato.”

Watsi, “Ngicela, ungitjele kutsi tikuphi.”

⁵⁶ Ngatsi, “Ngitjele kutsi betikuphi ngaphambi kwekutsi ngititfole.” Kunjalo. Tiyintfo lephatsekako, ngabe kunjalo?

Ngako noma ngabe betikuphi ngaphambi kwekutsi ngititfole, tilapho tingilindzele kutsi ngite kuto. Ngako uma umuntfu akutjela kutsi uMnaketfu Branham ufile, ungakukholwa, ngafa eminyakeni leyendlula, niyabona, Ngiya kulowomtimba lomusha nje ngaleya. Uma lesidvumbu lesi lesidzala sesiphelile:

Ngitowela futsi ngivuke,
Sibambe umklomelo longunaphakadze,
Futsi ngimemete, ngisendlula emoyeni,
“Sala kahle, sala kahle, awa lelimnandzi
lemkhuleko!”

⁵⁷ Yebo-ke, liciniso lelo, akusilo? Liciniso. Niyabona, wena, letotinwele tatiyintfo letsite, tifanele tibe yintfo lephatsekako, tatindzawanatsite.

⁵⁸ Ngani, ngake ngakucabanga loko ngalesinye sikhatsi, ngilikholwa lelikhulu... Mine, ngiyadubula, niyati kutsi kunjani, netibhamu, nakanjalonjalo, nebantfu banginika tibhamu, futsi ngidlala ngato. Gene nami lapha, nje sine, sitiphumute ngekudubula tinkoyoyo. Futsi—futsi ngingatsatsa i—i.220 Swift, leso ngulesinye setibhamu letisheshako lesiphuma ehломбе, futsi ungasifaka tinhlavu, utifake ngesandla, emafidi latinkhulungwane letishlanu ngemzuzwana. Manje, kucabangeni. Niyabona na? Kodvwa uma nje ufaka incenye yekota yenhlavu kunemphumphu lenengi kuso, ungadubula kuwelele ngale kulelofasitelo, futsi bewungeke ulishaye lelifasitelo. Futsi akukho lutfo loluwako, lenhlavu igucuka ibuyele emuva ngco kumagesi ayo asekucaleni, njengoba yayinjalo eminyakeni letigidzi leyendlula. Niyabona na? Manje, niyabona, kwakungemagesi, kwase kuba yintfo letsite, futsi uma ihlala sikhatsi lesidze ngalokwenele ingabuyela ngco ibeyinhlavu futsi. Niyabona na? Kungaleyondlela-ke. Niyabona na?

⁵⁹ Kukwetfu... Lengi... letinwele leti tatikhona ngaphambi kwekutsi tibe kimi, tatingilindzele, nato tonkhe tinwele tibaliwe, futsi akukho ngisho nalunye lwetfu loluyolahlek, kodvwa, “Ngiyokuvusa etinsukwini tekugcina,” kusho Nkulunkulu. Ngiyakukholwa loko ngalokucinisile nje njengoba ngikholwa kutsi ngime khona lapha.

⁶⁰ Sentiwe kuphela ngetincenye letilishumi nesitfupha, leyo yi-phetroliyamu, i-phothashi, kukhanya ikhozmikhi, nakanjalonjalo, kute... Nkulunkulu atfole... kusemhlabeni, futsi Uyovele akubite futsi, futsi ngiyophendvula. Kunjalo. Ngiyakukholwa loko. Ngiyakukholwa loko ngako konkhe lokusenhlitiyweni yami, nemphefumulo, nengcondvo, Ngikukholwa ngesizotsa kuleliBhayibheli, uma ngifa kulo emizuzwini lemibili lelandzelako, ngiyakukholwa loko, kutsi Utobita, futsi akukho ngisho nayinye intfo lengi—lengangingiyo ngesikhatsi ngineminyaka lengemashumi lamabili budzala,

kodvwa lengiyoba ngiko lapho, kunjalo, kuperha ngingafi, ngeke ngisadzingeka ngiphindze ngife.

⁶¹ Loko ngeke kumangalise? Cabanga ngebantfu labadzala. Naloyombono, ngesikhatsi ngiLapho, ngabona loyo wesifazane, besifazane labahle kunabo bonkhe lengake ngababona, tinwele letindze letifika elukhalo lwabo, netiketi letindze, bagijima benyuka, bangigaca, bangibita ngemnaketfu. Ngibone besilisa, nematinyo abo amhlophe njengelipharele, emehlo abo amanyatela, bagijima benyuka futsi bangigaca, bangibita ngemnaketfu, bonkhe basebasha. Futsi angikucondzanga.

Futsi Watsi, “Uyambona loyo wesifazane losandza kukugaca nje?”

“Yebo.”

Watsi, “Besendlulile emashumini layimfica ngesikhatsi umholela kuKhristu. Kungani angakubiti ngemnakabo lotsandzekako?”

Loko kungenta ngiphikelele. O, hhe! Niyabona kutsi kungani ngijuba futsi ngidvonsa, “Wotani, asihambe, bangani”?

⁶² Phansi enhlitiyweni yami ngiphetse timfihlo letinengi, niyakwati loko, niyakwati mbamba loko, ngako ufanele nje ungetsembe ekukuholeni, Angiyuze ngilishiye Livi, ngiyohlala neLivi ngco, kodvwa nje kalula wenyukele kuLo manje.

⁶³ Futsi uma ubuya lapha, uma ubuya enkonzweni, wotani futsi, uma ngita, iNkhosi isivumela siphile, naJesu alibala, umnyaka kusukela namuhla ngiyabuya, Ngiyetsema kubona lesicuku lesi lapha sikhanya nje ngenkhatimulo yaNkulunkulu nemandla aNkulunkulu, bese ngitsi, “Uyati kutsini? Yonkhe i-Assembly of God, yonkhe iChurch of God, yonkhe iFoursquare, bonkhe Bakamunye, Bakambil, Bakamtsatu, nebaNe, futsi konkhe phansi nasetulu elugwini kuvumelana kunye nje, nalemvuselelo isemandleni aNkulunkulu, itamatamisa lolugu nje kwangatsi ayikaze ikwente.”

O, bengingatsi, “Nkhosi, sale uhambisa inceku yaKho ngekuthula, ngoba emehlo ami ayibonile insindziso yaKho.” Kunjalo, bengitolungela kuhamba.

Uma nigcina imiBhalo phansi . . .

Utsandzeka kakhulu. Billy uyangitjela, watsi, “Babe, ukhuluma sikhatsi lesidze kunekushumayela,” washo.

⁶⁴ “Yebo-ke,” ngatsi, “Nginalokutsite lengitokhuluma ngako, ngako, nentfo lenhle, intfo lengiyitsandza kahle kakhulu.” Futsi ngiyati sonkhe siyakujabulela, asikujabuli na? Chubekani nekukhuluma na—nalomunye nalomunye.

⁶⁵ Manje, ngifuna ku . . . nginemBhalo letsite lebhalwe phansi lapha kusihlwa, futsi, ngingahle ngitsatsisele kuyo. Futsi

ngifuna nivule ngale kuJeremiya 8:22, futsi sitofundza lamavesi lawa—lamavesi lawa:

Kute yini libhalisamu kaGileyadi; kute yini inyanga lapho? kungani pho...imphilo yendvodzakati yebantfu bami ingalulami?

⁶⁶ Loyo ngumbuto, gcina loko enhlitiyweni yakho. Umbuto: “Kute yini libhalisamu? Kute yini libhalisamu kaGileyadi; kute yini inyanga lapho? Pho kungani imphilo yendvodzakati yebantfu baMi ingasindzanga?” Uma kungekho libhalisamu, futsi kungekho nyanga, uma ikhona, pho kungani—kungani angasindzanga? Ngumbuto.

⁶⁷ Ngiyakhola uma Nkulunkulu aniketa, indlela yekuphunyuka yebantfu baKhe, entela bantfu baKhe lokutsite, bese-ke bantfu bayala kukwemukela, Unelilungelo lekubuta kutsi kungani.

⁶⁸ Kube-ke bewentele umuntfu lokutsite ke? Uma utsi, “Manje, ngitokunika imoto yami, igcwele gasolina, isesimeni lesihle sekugijima, ngifuna ungsatse ungiyise ekoneni emizuzwini lelishumi.” Futsi walindza imini yonkhe nebusuku, nemuntfu aketi nhilobo, futsi uhlangana nabo ndzawanatsite, unelilungelo lekutsi, “Awukakwenti ngani?” Ngabe kunjalo?

⁶⁹ Futsi Nkulunkulu kuyo yonkhe iminyaka, ngesikhatsi Enta...Akakaze ayente indlela yekuphunyuka kutsi bantfu ngalokugcweli bebangayitsatsa, bekuhlala njalo kukhona labo labahocisako. Kodvwa ngifuna nicaphele intfo yinye lenkhulu, kutsi sonkhe sikhatsi Nkulunkulu utfumela sihawu, nekwehlulela kulandzela sihawu. Futsi uma wena, uma ungawemukeli umusa, khona-ke ufanele wemukele kwehlulewa. Niyakukholwa loko na?

⁷⁰ Manje, uma nicaphela, ngaphambi nje kweMphi yekuCala yeMhlaba, bemukela umbhabhatiso waMoya loyiNgcwele kulelive, nakulamanye emave. Niyabona na? Manje, ngesikhatsi sibone intfo lenkhulu kunato tonkhe, imvuselelo lenkhulu kunato tonkhe, tinkonzo letinkhulu kunato tonkhe letake tatiwa kusukela etinsukwini taJesu Khristu, tincamula lesive lesi, ngitjele nini, kuphi, kuphi lapho sake khona, safundza encwadzini, noma seva, noma ngisho sati ngenkonzo njengoba sinayo namuhla. Manje, yini letokulandzela? Kwehlulela, kukwencaba.

⁷¹ Bukani inkonzo yeNkhosi yetfu, ngoba balencaba, sibe nalo enkonzwensi itolo ebusuku, ngekulencaba, kwentekani na? Kwehlulela kwalandzela. Impela, sonkhe sikhatsi. Ngoba ba... .

⁷² Bukani, uMoya loyiNgcwele wehlela eRussia cishe eminyakeni lelikhulu leyendlula. Benikwati loko na? Impela, wehla. Bawala. Batfolani? Wehlela ejalimane ngaphambi kwekutsi wehlele lapha. Batfolani? Bebaneke basemukele

siphambano, ngako batfola siphambano lesiphindvwe kibili, i-swastika. Niyabona na?

⁷³ Futsi manje, ngenca yekutsi sawala, njengesive (Futsi ngikholwa ngeliciniso kutsi senta liphutsa letfu lelibi kakhulu nga' 56. Futsi uma si... Manje, khumbulan, nginako erekhodini, niyabona.), futsi khumbulan nje, angeke aphindze abuye futsi, sewuphelile. Kunjalo. Siyakhwimita. Kodvwa ayiyuze ibuye futsi, ayiyuze ibekhona imvuselelo lenkhulu letsanyela lesive lesi ngaphambi kwekwahlulela. Sita ekwahluleweni, isendleleni yayo lapho manje, cishe impela nom a ngasiphi sikhatsi iyofika. Ngiyakholwa, cobo lwami, ngikholwa kutsi ngaphambi kwekutsi lokwehlulela lokukhulu kushaye sive, kutsi kuBuya kwesiBili kwaJesu kuyotsatsa liBandla laKhe lisuke emhlabeni, ngiyakukholwa.

⁷⁴ Manje, siyati kutsi live lingeke likumele kuchuma kweathomu. Nkulunkulu usentele indlela yekuphunyuka kuko, kodvwa uma sala kuphunyuka kuko, khona-ke Utobuta kutsi kungani singayitsatsanga.

⁷⁵ Manje, Wente yonkhe intfo Layetsembisa eBhayibhelini. Manje, bantfu labanengi... Angiphikisani netifundziswa letinkhulu, cha, mnumzane, kodvwa ngisebenta kuperhela ngesambulo, sambulo sifanele sibe Livi, uma kungahambisan neLivi, khona-ke sambulo lesingesiso. Labanengi babuke tintfo letinkhulu kutsi tenteke, futsi bakusebentisa loko ngale ka-Israyeli futsi hhayi eBandleni. Tsatsa letahluko tekucala letintsatfu teSambulo bese utfola liBandla khona lapho. Wase-ke Johane uyahlwitwa emnyakeni welibandla. Manje, ngako lusuku lwefu selutophela nje, liBandla, liVangeli manje litobuyela kumaJuda ePhalestine. Bese-ke umnyaka webeTive sewuphelile, mayelana nemnyaka welibandla, lona sibili, liBandla leligcwaliswe ngaMoya.

⁷⁶ Nkulunkulu wenta indlela, bese-ke bantfu abahambi kuyo, Utsi, "Kungani?" Ngalesinye sikhatsi inkhosu yaka-Israyeli, ngoba ngalelinye lilanga yayihamba iphumela etinsimbini teligceke layo, futsi waweka kufenisi, futsi yena, kwamlimata, watsatsa sifo nekugula kuwo, futsi ngako walala phansi. Futsi ngekuba yinkhosu yaka-Israyeli, noko esikhundleni sekutfumela kubuta kuNkulunkulu, watfumela lamanye emadvodza akhe enhla e-Ekroni kuyobuta kuBhali, Belzebule, bonkulunkulu enhla lapho, baprofethi babo, kutsi bekatosindza nom a cha.

⁷⁷ Manje, niyati Nkulunkulu wembula timfihlo taKhe kubaprofethi baKhe, siyakwati loko, etincekwini taKhe, Uyakwembula loko. Na-Eliya mhlawumbe bekasemuva ngale emgedzeni wakhe. Futsi wati kanjani kutsi inkhosu yadvonsela lamadvodza ekhatsi, yatsatsa lamabili nom a lamatsatfu emadvodza, yase itsi, yawatfuma, wase utsi, "Manje, hambani niwelele esiveni saktsi sonkhe, kutanisatsa tinsuku

letinengana, bese nehlela e-Ekroni, futsi uma nifika entasi lapho, kuyobakhona, niyohlangana naBhali, lo—lonkulunkulu wase—wase-Ekroni, futsi manje, celani umprofethi wakhe kutsi abute Bhali, kutsi ngitosindza yini noma cha”?

⁷⁸ Kodvwa niyati, ngekutsi abengumIsrayeli, khona-ke Nkulunkulu wakwembula ku-Eliya umprofethi, futsi Watsi, “Yenyuka, futsi ume endleleni, futsi ubemise.”

⁷⁹ Futsi ngako, lamasotja, noma bogadzi belithempeli befika, bahamba behla ngemgwaco, bakhulum, anemyalo locinile kutsi enyuke ayohlola kunkulunkulu wemahedeni ngaloku, ngoba sonkhe sive sasesingene esonweni.

⁸⁰ Futsi nguleyo indzaba namuhla, sonkhe sive singena esonweni, emabhara enkantini, bantfu babandza futsi babophekile nje, etinhlelweni temsakato letingakahlungwa, tinhlelo tamabonakudze letingakahlungwa, futsi kukhangi kakhulu, nesono sihle kakhulu, size sikhange kunaka kwebantfu. Futsi uma bangakatalwa kabusha ngekweliciniso, lapho lokubakhanga kwabo kukuKhristu nemcondvo munye, bayolandzela leyontfo, bayotiphatsisa kwalabobantfu. Ne—nemoya waloko uyofika etikwabo.

⁸¹ Kwakuvamise kutsi emaPhentekhostali lamadzala bekangavumeli ngisho bantswana bawo baye kubobhayisikobho, develi wadvonsa linye etikwemehlo abo, waletsa sitfombe sabhayisikobho ngco endlini. Kunjalo. Futsi ngako, niyabona kutsi ukutfole kanjani? Usile, uhlakaniphile, unebucili kangangoba angakhona kuba njalo. Ungalokotsi umtsatse kancane, hlala lapho esiphambanweni, indzawo kuphela yekuhlala kute uphephe.

⁸² Ngako tinsizwa letindzala, niyabona, tahlala naNkulunkulu, lomprofethi wahlala naNkulunkulu, kute Nkulunkulu akhulume naye. Ngalokwejwayelekile, bantfu bahamba njengoba sive sihamba, sonkhe sikhatsi bebenta njalo. Futsi nguleyo indzaba namuhla, bantfu bahamba njengoba kwenta sive, uma kulungile, sive sikwenta kuba semtsetfwen kunatsa, ngani, kulungile. Uma bakwenta kubasemtsetfweni . . .

⁸³ Ngibone dzadze ahamba esitaladini ngalelelinye lilanga, kutsi noma nguliphi liphoyisa lebelinekuhlonipha ngalo, bekayoyicosha leyontfombatane esitaladini, indlela lebeyigcoke ngayo, angikaze ngibone noma yini lenenhlamba kangaka emphilweni yami yonkhe. Bantfu bagijima baphumela egaraji lekwetsa netintfo, babuka entasi nesitaladi kulentfombatane. Kukuphi eveni lapho kutiphatsa kahle kwebantfu bakitsi? Nkulunkulu wamhlonipha wesifazane kutsi abe ngulomunye wemagugu emhlaba. Nekutsi utotitsengisa kanjani ku—kudeveli kungetulu . . . Yebo-ke, kungoba akamati Nkulunkulu, nguloko kuphela nje lokukuko. Niyabona na? Ati kutsi umtimba wakhe ungcwele, futsi akafaneli akwente loko, futsi bayakwenta noma

kunjalo, ngoba bacabanga kutsi kuhle. Ricky, na-Elvis, nabo bonkhe, bayakukhatimulisa nje loko, futsi, “*Wheet-whew!*” tinkwela temphisi, futsi bayakujabulela loko. Loko bekufanele kube lihlazo kunoma ngumuphi wesifazane, bekangaba nalenye yaleto tinkwela kuye kanjalo.

⁸⁴ Yebo, uliwundlu, ufanele ube ngilo; s’thandwa sendvodza letsite nemfati, make weluswane lolutsite, ufanele ube nemahloni kwenta tintfo letinjalo. Kuhlonipha kwebufazane sibili bekufanele, ku—kuhlonipha lobewunako ngamake wakho bekufanele kukuhole ngalokwehlukile kuloko. Kunjalo.

⁸⁵ Caphelani kutsi nje sekube kanjani...Nebashumayeli bavele bayekele nje, bakuyekelle kungene ngco ebandleni labo. Ekugcineni, kancane kancane kungena ngekunyenya, kancanyana nje *kanje*. Ngahlala futsi ngakhulumia nemshumayeli lomdzala waseMethodisti kungesiko kadzeni, bekavamise kuhlabela liculo:

Siwise imivalo, siwise imivalo,
Sincemphetisa ngesono.
Siwise imivalo, timvu taphuma,
Kodvwa tingene kanjani timbuti?

⁸⁶ Yebo-ke, ngicabanga kutsi ingoma yakhe ikuveta sibili, niwisse imivalo, nguloko kuperha. Bawisa imivalo nje, lomunye uyangena, futsi ucalu kukhuluma *ngalendlela*, futsi—futsi bacala kubuka, waphumelela kancanyana, bese-ke utsi, “Yebo-ke, uma Jones angakwenta, Dkt. Jones, ngingakwenta, nami,” futsi intfo yekucala niyati nako kuhamba.

⁸⁷ Futsi kufana nje nesihliphi semshululuti, ushelele kuso. Bangakhi lokukhumbulako sihliphi lesidzala semshululuti? Uhlala phansi, uchubeke nekunyenya kalula impela, ubone kutsi usondzela kangakanani emngcengcemeni, nako konkhe, ngaphambi kwekutsi nikwati, [UMnaketfu Branham uchumisa umuno wakhe—Umhl.] phansi nahamba. Nguloko lokwentek ebandleni lePhentekhostali, kunjalo. Ungaboni kutsi ungasondzela kangakanani kuko, ubone kutsi ukhwesha kangakanani, kuko.

⁸⁸ Ngalesinye sikhatsi kwakukhona umshayeli lobekadzingeka akhuphukele entsaben, malendvodza yadzingeka isheshe futsi yewelete tintsaba, futsi ngako batsi...umshayeli munye wenyuka, watsi, “Ngingumshayeli lophelele impela, ngingashayela letipani temahhashi letisitfupha nencola yami emkhatsini wema-intji lasitfupha kulolohlangotsi, ngesheya kwalowo lomkhulu, umngcengcema longemafidi layinkhulungwane. Ngingawushayela ngema-intji lasitfupha ngekugijima lokugcwele, futsi ngingawi.”

Nalolunye umshayeli wenyuka, watsi, “Mnumzane, ake ngikutsatse, ngingashayela ekhatsi kwema-intji lamane

nawo ngekugabavula lokugcwele, futsi ngingalokotsi—futsi ngingalokotsi ngiwe.”

Futsi kwakukhona umfo lomdzala eme laphaya nje abuka, i dri-... lendvodza yayifuna kwewela intsaba, yatsi, “Utsini ngawe, mnumzane?”

Watsi, “Yebo-ke, buka, mnumzane, ngekwaloko labakhuluma ngako, babashayeli labancono kunaloko lengingiko. Ngigaca lubondza, angitsatsi tfuba.”

Watsi, “Ngeweytele ngesheya.” Niyabona na?

⁸⁹ Ungaboni kutsi ungasondzela edvute kangakanani esonweni ungoni, bona kutsi ungakhweshela kashane kanganani naso, nguleyondlela lokungayo. Suka endzaweni yaso ngalokuphelele. Nguleyondlela lengifuna ngayo libandla, ngulelo libandla lengifuna kuba kulo, loyo lobalekela kona kanye lokubonakala kwesono, suka kuso.

Utsi, “Yebo-ke, emantfombatane etfu, noma emadvodza etfu, noma etfu... anekutijabulisa lokuhlantekile lokuncane nje.” O, hhe, hhe, “kutijabulisa lokuhlantekile,” loko emaMerica lakubita nge “kutijabulisa lokuhlantekile,” hmm!

⁹⁰ Bengisenhla eCanada kungesiko kadzeni nemngani wami lolungile Fred Sothmann, lohleti lapho. Lomunye waseMerica lomkhulu, anginawulibita ligama lalelicembu, futsi ngako, bebasetulu lapho bane—nengcungcuthela, nemabhodlela enkantini alakanyene yonkhe indzawo. Ngesikhatsi ngingena ngalobo busuku, ngacula kwenyuka i—i, ngangena eladini, naloyomfana, kwaze kwangenta ngaba nemahloni kutsi ngangingumMerica, futsi wabuka lapho, futsi u.... Nga—ngatsi, “Yini indzaba?”

Watsi, “EmaMerica asekhati kusihlwa.”

Ngase ngitsi, “Hhe!” Loko kwakuseSaskatoon. Ngase ngitsi, “Lidlangala lelitsite linengcungcuthela yalo.”

⁹¹ Futsi ngako, ngesikhatsi ngifikasi etulu lapho futsi ngehla ehholeni ekamelweni lami, ngacula kwehla, kwakukhona tintfombi letimbili time emuva lapho, bobabili bafake tindandatho temshado newabo, bagcoke nje emapitikoti, badzakwe baphelile. Nemadvodza lamadzala adzakiwe atama kufinyelela kuwo, mhlawumbe umyenii ekskhaya, agadze bantfwana, mhlawumbe lamadvodza lawa, afinyelela kulabesifazane labasebasha laba, nebatifi babo ekskhaya banakekela luswane, kodvwa bebanekutijabulisa lokuncane lokuhlantekile kwaseMerica. Kungemanyaala nesonoo! Kunjalo.

⁹² Futsi beta behla ngehhola, nalomfo lomdzala wabamba lena ngelipitikoti, futsi watama kumdvonsa, futsi wacishe wadzabula linye lalamabhande ehlombe, futsi bekaphele nya. Uyehla, besifazane labasebasha labahle, bobabili, behla badzabula lapho, bayendza kanjalo.

Futsi ngavele ngabuyela emuva ekamelweni lelincane, kanjalo, ihhola lencane *kanjena*, ngase ngiyabukela.

⁹³ Basondzela impela embikwami, bebanelibhodlela lenkantini, futsi wafinyelela phansi, watsatsa lelibhodlela, wase uyalivula, wase utsatsa lesinye sinatfo, leyondandatho yemshado imanya esandleni sakhe.

Inhlitiyo yami yavele yaphuma kimi, ngase ngiyacabanga, “Lenhle, intfo lencane lenjengaleyo, futsi-ke buka kutsi wentani!”

⁹⁴ Kwase kutsi-ke lolomunye wendlula ngalapho, watsatsa—watsatsa lesiketi lesincane, lebekakugcokile, lipitikoti, waliphakamisela etulu kakhulu ngangoba angakhona, futsi wampongolota, “Whoopee, loku kuphila!”

⁹⁵ Ngaphuma ehholeni, ngatsi, “Ngiyacolisa, loku kufa! Loku kufa! LiBhayibheli latsi, ‘Loyo lophila ngekutamasa ufile asaphila.’”

Batsi, “Natsa.”

Ngatsi, “Umzuzu nje. NgingumMerica.”

“Kuhle,” batsi, “liYankee lelidzala!”

⁹⁶ Ngatsi, “Awume kancane, ngingumshumayeli weliVangeli. Awunamahloni ngawe?” Ngasho. Lomunye wabo bekanguthishela waSontfo Sikolwa. Ngatsi, “Awunamahloni ngawe?” Futsi ngambamba ngesandla, bekamncane kakhulu kutsi angagijima, ngambamba. Wacala kukhala kakhulu, futsi advonsa *kanjalo*, futsi ngacabanga kutsi mhlawumbé batophuma futsi bangibophe, bacabange lokungakalungi ngami. Ngako ngatsi, “A—awunamahloni ngawe? Njengebesifazane enhla lapha, nobabili nifake tindandatho temshado nemadvodza enu ekhaya!”

Watsi, “Sinekutijabulisa lokuhlantekile lokuncane nje.”

Ngatsi, “Sono!” Kunjalo.

⁹⁷ Nkulunkulu wenta indlela yekuphunyuka kodvwa bangeke nje bayitsatse. Yini leyenta bantfu bente loko? Kungoba Nkulunkulu wenta umuntfu kutsi ome. Futsi wena... Angaba nesibindzi lesingakanani noma ngumuphi umuntfu sekutsi etame kwenelisa loko koma lokungcwele ngetintfo tadeveli! Ungetami kwenta loko, ungeke uze wenetiseke, kuletsa kuphabe buhluungu benhlitiyo, kukwente utsatsé livolovolo bese uchumisa bucopho bakho buphume. Loko akunakuphila sibili kuko, kuphila sibili kuvela kuNkulunkulu. Ungeke wanetiseka futsi ujabule ngalokuphelele...

⁹⁸ Futsi lomunye walamaKhristu lasekhatsi nendzawo, lofanele kuba ngiwo, ngumuntfu lolusizi kunabo bonkhe emhlabeni. “O, ngingeke ngikwente *loku*. Kube libandla lami belati kutsi ngente *loko*!” Nkulunkulu uyati kutsi uyakwenta,

kwenta mehluko muni? Khona lapho, yenta yonkhe inhlitiyo yakho ibekwe ngco kuNkulunkulu, futsi uhlale nako ngco, khona-ke uyajabula, uhamba ngekuthula naYe.

⁹⁹ Eliya wenyuka, wema emgwacweni, naku kwenyuka lamadvodza, futsi wtsi, eta kuye, watsi, “Buyelani emuva nitjele inkhosu yenu, ISHO KANJE INKHOSI: akehli kulowombhedze. Mbute kutsi kungani angatfumelanga entasi lapha, ungumIsrayeli. Kungoba kute Nkulunkulu ka-Israyeli? Kungoba site umprofethi na? Israyeli akanamprofethi, kanjalo naNkulunkulu? Kungani ungfumela ngale e-Ekroni? Ngabe Israyeli akanamprofethi? Ngabe Israyeli ute Nkulunkulu na? Pho kungani nitfumele kuBhelzebule, noma ku—noma kuBhalamu? Kungani bewungabuta kuletotintfo? Kungoba site umprofethi, noma ngumuphi Nkulunkulu?”

¹⁰⁰ Nguloko Nkulunkulu latokucela i-United States ngalolunye lwaletinsuku leti, “Nitenteleni letotintfo na?” Nguloko Nkulunkulu latokubuta libandla lePhentekhostali ngalolunye lwaletinsuku leti, “Niyeleni emidansweni? Nitenteleni kanjalo? Kungani besifazane baphungula tinwele tabo? Kungani besilisa bente letintfo leti na? Kungani bagcoka njengelive? Kungani batiphatsisa kwelive? Kwakungenga yekutsi kwakungekho Vangeli, kungekho kujabula, kungekho Moya loyiNgcwele lowatfululelwu etikwakho? Ngabe kungoba bebete umshumayeli lobekanga kushumayeli?”

¹⁰¹ O, kungoba, njengoba kwakunjalo nje ngetinsuku tenkhosi, kwaku kutikhukhumeta kwakhe lucobo, wamtondza umprofethi, ngoba unina wamtondza, bekayindvodzana yaJezebeli. Futsi kungalesosizatfu Ahabi, likholwa lelime emnceleni...Futsi kungako kwakunjalo, lelidzala, lelibandzako, libandla lelibophekile nje laphuma kulo. Futsi kungalesosizatfu amtondza umprofethi, ngoba umprofethi wamtjela liciniso, futsi akazange ancenge ngako, futsi wamtondza. Unina wamtondza loyomprofethi, uyise wamtondza loyomprofethi.

¹⁰² Uyise watsi, ngesikhatsi—ngesikhatsi Jehoshafati ehla, futsi wehlela lapho kuyohlala na-Ahabi, watsi, “Asenyuukele lapha eRamothi-gileyadi futsi sitsatse live enhla lapho,” watsi, “la-Israyeli.”

¹⁰³ Futsi, kusobala, wamkhombisa tonkhe tintfo letinkhulu le—lebebanato, futsi yena, kusobala, nguleyondlela develi lenta ngayo, anikhombise tonkhe tintfo letinkhulu, futsi kwaphumphutsekisa emehlo akhe, wase utsi, “Yebo-ke, bantfu bakitsi babantfu bakho.” Watsi, “Kodvwa awucabangi kutsi sifanele sitsatsise eNkhosini ngako kucala na?”

¹⁰⁴ Watsi, “Impela, impela, Jehoshafati, kunjalo nje, sifanele. Ngine bashumayeli labangemakhulu lamane besemina entasi lapha, lababendlula bonkhe,” beba nebabendlula bonkhe

labakhona eveni. “O, ngitohamba ngibalandze bonkhe, ngibenyusele lapha.”

Futsi bonkhe baprofetha nganhliityonye, batsi, “Yenyuka, yenyuka, iNkhosi inawe.”

Kodvwa loko akuzange nje kumlingane kahle Jehoshafati, watsi, “Awusenaye lomunye futsi?”

“Lomunye futsi? Uma sinemakhulu lamane laphuma kusemina yami anhlitiyonye, wonkhe umuntfu akhulumu info lefanako!”

Angikhatsali kutsi bangakhi lokhulumako, uma kungesilo Livi laNkulunkulu, akusilo Livi laNkulunkulu!

“Sinemakhulu lamane lakhaliphile, laceceshiwe, baprofethi labafundzile labeme lapha, nganhliityonye batsi hamba.”

Kodvwa Jehoshafati watsi, “Kodvwa, impela, unaye lomunye futsi.”

¹⁰⁵ Watsi, “Ya, sinalomunye umgiciki longcwele,” ngiyacolisa, ngingahle kube bengingakafaneli ngikusho loko, kodvwa, yebo-ke, sengivele ngikushito, nomakanjani. “Ya, sinaye munye, Mikhaya, umgiciki longcwele enhla lapha, kodvwa ngiyamenyanya.” Nako laph’ukhona.

“O, inkhosи ayingasho njalo.” Watsi, “Yenyuka umlandze, futsi ubone kutsi utotsini.”

Watsi, “Ngiyakwecwayisa, uprofetha kuphela lokubi ngami.”

¹⁰⁶ Impela, bekangakwenta kanjani? Yini lenye lebekangayenta? Ngesikhatsi akubona, kwelive, yini lebekangayenta ngaphandle kwekumela liciniso?

¹⁰⁷ Bahamba bamtfola, kwase kutsi-ke, kusobala, bebanelihodi lemadikhoni kutsi lihambe limtfole kutsi abambe leyomvuselelo, wase utsi, “Manje, awume kancane, manje ungashumayeli umelane naloku, futsi ungashumayeli umelane naloko. Ungabatjeli besifazane kutsi abakafaneli bahlule tinwele tabo, futsi ungabatjeli kutsi abakafaneli batipende buso, ngoba bonkhe besifazane betfu bayawkwenta.”

Ngiye ngabenta basho loko, futsi ngitsi, “Thula! Nifuna ngi-nifuna mine, naku ngita.” Niyabona na?

¹⁰⁸ Ngako, batsi kuMikhaya, batsi, “Manje, shano info lefanako bonkhe labanye labayishoko, ngoba ngalelinye lilanga, uyati kutsini, utoba ngumbonisi lomkhulu, uma nje utongilalela, ngi-ngito...batokuyisa emhlanganweni lomkhulu uma nje utovumelana nabo.” Cha, loko akuhlali enhlitiyeweni yemprofethi sibili waNkulunkulu. Cha, mnunzane.

¹⁰⁹ Bekangeke avumelane nabo, beka ngenatintsambo lebekatotidvonsa, noma kungekho emathikithi ekudla lebekatotsengwa. Ngako, wavele watsi nje, “Ngitosho nje loko

Nkulunkulu lakubeka emlonyeni wami kutsi ngikusho, nguloko kuphela.” Ngako, wehlela lapho wase utsi, “Nginikeni lobusuku lobu, ake ngibone kutsi iNkhosi itotsini.” Uyabuya ngelusuku lolulandzelako, niyati kutsi watsini, “Ngibone Israyeli emagcumeni, ahlakatekile njengetimvu letingenamelusi.”

Watsi, “Ngitsiteni kuwe?”

¹¹⁰ Yase-ke inhloko yeNhlangano yebaFundisi imshaya emlonyeni, yavele yamshaya yamlahla phansi esiyilwени. Ya, kunjalo. Watsi, “Uhambe waya ngakuphi uMoya waNkulunkulu ngesikhatsi uphuma kimi?”

Watsi, “Utobona uma siprofetho sami sifezeka.”

¹¹¹ Watsi, “Mfakeni ejele lelingekhatsi, mbuyiseleni ekhatsi lapho, futsi nimuphe sinkhwa selusizi nemanti elusizi,” Ahabi watsi, “ngize ngibuye ngekuthula.”

Mikhaya watsi, “Uma ungabuya nekubuya, Nkulunkulu akakhulumi nami.”

¹¹² Manje, kungani batsatsa...? Abalitsatsanga ngani livi laloyomuntfu munye? Niyabona na? Indvodza yinye esiveni sonkhe ime imelene nalo kungakalungi. Futsi bonkhe labanye babo...Kungani? Ngoba bebakholwa sicuku lesigcamile. Bakholwa ema Ph.D., ema LL.D., nema Q.S.D., nato tonkhe tinhlobo tema D.D. nalolonkhe luhlolo, yonkhe intfo yahamba nako. Bebefuna kukukholwa ngoba bebacabanga kutsi bebakhophile, futsi bafundzile.

¹¹³ Kodvwa bukisisani, ngubani lobekacinisile? Mikhaya bekacinisile, ngoba wahlala impela neLivi leNkhosi, wahlala impela. Bekangakubusisa kanjani loko Livi laNkulunkulu lelalikucalekisile?

¹¹⁴ Nginganitjela kanjani nine besifazane kutsi nikahle netinwele letimfishane, nekupenda buso, netingubo kwangatsi watfululelwa kuto njengesoseji lecatiwe, nentfo lefana naleyo ngephandle lapha, libe Livi laNkulunkulu likulahla? Kungani nginganitjeli kutsi nikahle, i-Assemblies of God yenu, nemaBandla aNkulunkulu, neMashumi lamane, futsi bangenisa bantfu, *kujoyina'*, bangena kanjalo, babavumela batiphatsise kwelive, futsi bachubeke, kube ngito tonkhe tinhlobo tetintfo letehlukene, kube kuliphtusa? Kunjalo, kuliphtusa. Lesikudzingako akusibo bulunga lobusha, ngemandla aMoya loNgcwele emuva ebandleni futsi, imvuselelo yePhentekhostali leyifashini lendzala ngemandla netibonakaliso taMoya loNgcwele. Senenele ngulentfo!

¹¹⁵ Libandla iFoursquare lingulelinye lalabasita ngetimali bami labakhulu, banalabanye bemadvodza lakahle kunawo onkhe ekhatsi lapho, Dkt. Teeford, labanengi balabo, bangemadvodza lamesabako nkulunkulu sibili. Kodvwa ngesikhatsi Dzadze McPherson, nami, naRolf sasihleti sidla ngalelinye lilanga,

sasikhuluma ngenhlangano letsite, noma indvodza letsite kulolugu yayitsetse lamanengi emalunga abo, ngatsi, "Loko kukhuluma kabi ngawe." Kungani bay a lapho batotsi bakha khona libandla lemadola latigidzi letine noma letisihlanu, futsi sewuvele ukwakhile kwakho, lapha kubhadala leso sikweneti?" Ngatsi, "Kwentekeni?

¹¹⁶ "Uyati kutsini?" Ngatsi, "Ngesikhatsi Dzadze McPherson alapha beka nemvuselelo, wahlala naMoya, bantfu bebavela ndzawo tonkhe, bagcwaliswe ngaMoya loyiNgcwele. Kodvwa kwentekani ngesikhatsi afa? Wacala kwenta bo Ph.D., bo D.D.D., bo L.D. lababili, bo Q.S.D. nato tonkhe tinhlobo tetintfo. Futsi ninani manje? Indlovu lemhlophe lesigidzi semadola etandleni tenu." Kunjalo. Lesikudzingako kubuyela emlayetweni wePhentekhostali, sibuyele kuMoya loNgcwele, lelo liciniso.

¹¹⁷ Mikhaya bekangeke asho lokungetulu kwaloko, ngoba nguloko Eliya lakusho. Watsi, "Ngabona libandla laseZulwini lonkhe libutsene ndzawonye linemkhandlu, futsi Watsi, 'Ngubani lesingamtfola kutsi ehole futsi adukise Ahabi?'" Ngalenyi indlela, kwenta livi la-Eliya umprofethi libe liciniso, amkhiphe lapho kute abulawe, ngoba tinja tifanele tikhotse ingat yakhe encoleni, ngoba Eliya washo njalo, lelo kwaku Livi laNkulunkulu. Nkulunkulu watsi, "Ngubani lesingamtfola kutsi akwente?"

¹¹⁸ Futsi watsi kwenyuka umoya wemanga, watsi, "Ngitokwehla futsi ngingene kubo bonkhe labo bashumayeli, futsi nitobenta bacabange kutsi bacinisile."

¹¹⁹ Kungani? Bekangakwenta kanjani? Bewungangena kanjani umoya wemanga kumshumayeli? Ngoba bekancemphetise eVini laNkulunkulu. Uma bekangashumayela Livi laNkulunkulu, lalingeke lingene kuye. Noma ngumuphi umoya lokhuluma lokuphambene nalelo Livi, ngemanga. Kunjalo. Leyo yi-Urimi neThumimi yaNkulunkulu. Kunjalo. Uma kungekho *Lapha*, kuliphutsa, ngu*Loku*.

¹²⁰ Nkulunkulu wetfu angenta tintfo lettingakabhalwa kuleNcwadzi, kodvwa Unencumbi leyenele lapha kutsi ngihlale nayo kwati kutsi ngikahle, khona *Lapha*. Uma nje ngigcina *Loku*, loko kutoba kuhle.

¹²¹ Manje, "Hamba, umtjele, akehli kulowo mbhedze, ISHO KANJE INKHOSI, akehli kulowombhedze, utokufa embhedzeni," futsi wafa.

¹²² Ngako ngesikhatsi titfunywa tibuyela entasi eNkhosini Ahaziya, yatsi, indvodzana ya-Ahabi, ngako yatsi kuye, watsi, "Wentani emuva kusenesikhatsi?"

¹²³ Watsi, "Sihlangane nendvodza enhla lapho letsite, sikutjele, 'ISHO KANJE INKHOSI, kungani usitfumele lapho na?' Akukho mprofethi ka-Israyeli kutsi atsatsise kuye? Akekho yini

Nkulunkulu entasi lapha ka-Israyeli, kutsi bongaze utfumele laphaya kumahedeni?”¹²⁴

¹²⁴ Ngalamanye emagama, “Akukho kujabula lokwenele yini eBandleni na? Nihlalelani ekhaya ngaLesitsatfu ebusuku kutsi nibukele mabonakudze na? Ngabe ayisekho yini injabulo eBandleni, akukho lutfo enhlitiywani yakho lolulangatelela kuva Livi laNkulunkulu kwendlula kutsanda kubona *We Love Susie*, noma ngabe tiyini letotintfo lohlala ekhaya kutsi utibone na?”

¹²⁵ Yini indzaba na? Belusi abakaze bangicele kutsi ngisho loku, nginitjela liciniso nje. Yini indzaba ngelibandla na? Nguloko impela lokuliphutsa. Uma nine bantfu nitsi, “Yebo-ke, umelusi wetfu...” Umelusi wetfu akanalutfo! Banini semgenci naNkulunkulu, futsi utofanele, noma nakungenjalo utophuma. Kunjalo. Libandla alishaye lilayini. Kunjalo. Hfala nje neLivi. Ngabe ulahlekelwe ngiko konkhe kujabula na? LiVangeli alivakali kuwe njengoba belivamise kukwenta na? Kukhona lokungalungi ke. Uma lolotsandvo lwaNkulunkulu lungekho ngetulu kwanoma yini lenye le... Inhlitiyo yakho, uma leyonsimbi yelibandla ikhala, inhlitiyo yakho iyavutsa nje.

¹²⁶ Lapha eminyakeni letsite leyendlulile ngangehla ngelipali lelucingo, futsi bengisebentela emisebentini yesive ngesikhatsi ngiselusa litabernakeli leBaptisti. Futsi—futsi Dkt. Brown unguunganani wami lolunge kakhu, welibandla lelihlelo lelikahle lapho, futsi batsi banemalunga langemakhulu lasihlanu, kodvwa basemhlabeni wonkhe, nalabanye babo sebanemyaka bafile, kodvwa, ngako nomakunjalo, watsi nguloko lebeba nemakhadi ako.

¹²⁷ Ngako, ngase-ke ngehla ngelipali, futsi—futsi bengisentasi ngale kweligcuma ngentasi kweNew—New Albany lapho, bengisentasi kuyokweleka sikweneti selilambu. Bebangitjelile, kutsi ngenyukele lapho futsi ngitjеле labobantfu kutsi bayekele lelolambu lakhanya ngalokungetulu ngangoba bangakhona, bebanesecwayiso lesibovu, futsi besitodzingeka sisishe emalambu.

¹²⁸ Yebo-ke, esikhundleni sekwenyuka etulu futsi ngicime, ngacabanga, njengemnumzane lohloniphekile, Ngitokuya emnyango futsi nginconcotse emnyango beso ngitjela lodzadze kutsi kutokwentekani. Ngaya emnyango, nganconcotsa emnyango. Bekukhona wesifazane lomdzadlana, intfombatane, yeta incamula i, lapho ingakageoki timphahlah letenele kuphakamisa sibhamu lesifisha, yeta ngalapho, niyati, yebo-ke, bewungakufaka ebbokisini lwemetjiso, ngekwetsembeka, Angikaze ngimbone wesifazane agcoke kancane kangaka emphilweni yami.

Weta emnyango, bengi, ngavele ngajikisa inhloko yami, ngatsi, “Sawubona?”

Wase utsi—wase utsi, “Yebo-ke, ufunani?”

Ngatsi, “Dzadze, ngivela eNkapaneni yetemiSebenti yeMphakatsi.” Ngatsi, “Ba...Ngi...bangitfumele kutsi ngicime lamalambu,” ngasho.

¹²⁹ “O,” watsi, “uyati, ngikhohlwe ngiko konkhe ngako.” Watsi, “Make wangitjela ngalelelinye lilanga kutsi ngitsatse lesosikweneti selilambu ngisehlise, futsi uyati, ngavele ngasikhohlwa.” Bekungensimbi yelishumi nco ngalesosikhatsi futsi bekangakaphumi embhedzeni.

¹³⁰ Ngako ngatsi, “Kulungile, tfola sikweneti, futsi ngitokunika sigcebhezane sako, futsi sitokushiya kukhanya, ngoba uma ngiwiujuba, utokubita emadola lamabili kuwuhhuka futsi.”

“O,” watsi, “Ngiyabonga.”

Ngase ngitsi, “Kulungile.”

¹³¹ Futsi wacala kuncamula si—siyilo futsi bekavule lowomsakato lomdzala, nalona lapha Clayton McMichen, noma ngabe kuyini, lolunye luhlolo lwaleti lapha ematom cats ase*Georgia*, ema*Wildcats*, noma *lenye info letsite*, bekaneluhlolo lolutsite lwe—lwe...bekashaya leyovayolini lendzala, niyati, ahamba, adlala leloculo lelincane cishe “emafidi lasihlanu lamabili futsi ambonywe ngetinsiba,” nako konkhe kanjalo, “yendlula,” nalo lonkhe lolohlolo lwembhedvo, futsi bekachubeka adlala kanjalo.

¹³² Futsi wacala kuncamula esiyilweni, naleyontfo tatane yayibanjwe kakhulu ngulolohlolo lwemoya, wahamba, “Thathatha, thathatha, thathatha,” esiyilweni sonkhe. Manje, angikusho loko kutsi kube lihlaya, ngi—nginitjela nje kutsi yini liciniso. Futsi wahambahamba ampongolota, “*Thathatha, thathatha, thathatha*,” futsi wakhohlwa kutsi bengime emnyango.

¹³³ Kwase kutsi-ke ngesikhatsi lendvodza yemdanso, niyati, lebeyine vayolini, watsi, “Manje, nonkhe phumanu niye e*Greenbrier Ridge* lendzala kusihlwa, sitoba ngephandle lapho, futsi sitokwenta umculo wekutinyukunya,” noma ngabe kwakuyini, wagуча phansi, wamcabuza, watsi, “Uhambe kahle, s’tandwa lesidzala,” watsi, “Ngitoba khona lapho!”

Ngavele ngema ngalindza, futsi ngacabanga, “Umntfwanyana tatane.” Niyabona na? Kulihlazo, lenhle, intfombatanyana.

¹³⁴ Ngalindza kancanyana, wase utsi, “O, ngiyacolisa,” watsi, weta nemali, niyati, watsi, “Ngiyatsandza nje *kudansa* kahle kakhulu.” Kuveta umtimba, manje, uyati, akusiko *kudansa*. Ngako watsi...ku-D-a-n-s-a akutsiwa *kudawunsa*. Ngako watsi, “Ngiyakutsandza nje *kudawunsa* kahle kakhulu.” Watsi, “Uyati kutsini?” Watsi, “Ngilahlekkelwa nje...”

Ngatsi, “Ngikucaphelile.” Futsi ngako, ngavele ngakwemukela kweyana kwakhe, ngatsi, “Ngiyabonga kakhulu,” ngase ngyaphuma.

¹³⁵ Bekungakabi sikhatsi kodvwa lesincanyana, ngaphuma ngatfola ema-oda lamanye futsi ngenyuka. Futsi benginendzawo etulu lapho lapho lomunye bekenyukile futsi wafuca tintsambo emitheni, futsi awusebentisa nje ngaphandle kwato, futsi lomunye ngekhatsi beka-ayina. Ngani, kube bebajube intsambo kuyo, emakhulu langemashumi lamabili nakutsatfu bekendlula lapho, bekuyobulala wesifazane afe ne-ayina esandleni sakhe.

¹³⁶ Ngako ngafanela ngenyuke futsi ngijube lawomachuzu, khona bangatofaka lapho ekhatsi kucondze *kanjalo*. Ngako, ngavele ngatisika *kanjalo*, ngehla, futsi Dokotela Brown beketa ehla ngesitaladi. Watsi, “Halo, Billy!”

Ngase ngitsi, “Halo lapho, Dkt. Brown.” Hhe, uyindvodza lekahle kakhulu, umshumayeli waseMethodisti.

Wase utsi, “Unjanji manje ekuseni?”

Ngatsi, “Ngikahle, ngikahle.”

Watsi, “Nine maBaptisti impela ninesikhatsi etulu lapho, aninjalo na?”

Ngatsi, “O, yebo, mnumzane. Nje sine . . .”

Watsi, “Usitfola kanjani leso lapho lesicuku lonaso etulu lapho njalo ngeliSontfo ebusuku, Billy?”

Ngatsi, “Ngibanika emaphilisi.”

Wase utsi, “Nhloboni yemaphilisi na?”

Ngatsi, “Emaphilisi eliVangeli.” Uh-huh.

Futsi watsi, futsi ngako, “O,” watsi, “awukalahlekelwa ngisho nangumuphi wemcondvo wakho waseningizimu.”

Ngatsi, “Cha, cha, kunjalo.”

¹³⁷ Watsi, “Uyati kutsini, Billy?” Watsi, “Ngalelelinye lilanga . . . Nginemalunga langemakhulu lasihlanu kulelobanda entasi lapho,” futsi watsi, “Ngitfumele emakhadi langemakhulu lasihlanu kutfola labobantfu kutsi betsembise kutsi bebatofika tinyanga letisitfupha emnyakeni kuSontfo sikolwa. Ekhatsi nemnyaka bebayobhalisa emahlandla lasitfupha e—e . . . bebayobhalisa tinyanga letisitfupha ngemnyaka, bebatofika.” Wase utsi, “Uyati kutsi bangakhi labaphendvulile na?”

¹³⁸ Ngase ngitsi, “Anginamcondvo, Mnaketfu Brown.” Manje, bekayindvodza lekahle, yebo, mnumzane, ngikholwa kutsi ingiyo mbamba, indvodza yeliciniso. Ngase ngitsi . . . Angikholwa kutsi bekanaMoya loNgeweles, cha, mnumzane, angikholwa. Kodvwa ngicondze kutsi, ngikholwa kutsi loko la—loko lebekakushumayela bekakukholwa, futsi bekacinisile mayelana nekuhamba kwakhe.

¹³⁹ Njengalendvodza lelikhalatsi, idla lihwabha, yatsi, idla lucetu lwalo, yase itsi, “Utsini ngaloko, Mose na?”

¹⁴⁰ Watsi, “Loko bekukuhle, kodvwa *kunalelinye* lalo.” Futsi loko kutsi nje akube ngaleyondlela lokungayo, niyabona. Ngako leyoncenyenye beyilungile mayelana nekuhamba kwakhe, kodvwa akahambanga khashane kakhulu.

¹⁴¹ Ngako-ke ngatsi, “Bangakhi labaphendvulile, Mnaketfu Brown na?”

Watsi, “Bibili labaphendvulile ngeliSontfo lelendlulile.”
Watsi, “Ucabangani ngaloko na?”

Ngatsi, “Yebo-ke, loko kubi kakhulu, Mnaketfu Brown.”

¹⁴² Ngatsi, “Uyati kutsini, Mnaketfu Brown, ngifuna kukutjela intfo letsite lencane, leyenteke esikhashaneni lesendlulile.” Ngatsi, “Bengisentasi eNew Albany,” bengiseJeffersonville ngalesosikhatsi, Ngatsi, “Bengisentasi eNew Albany,” emamayela lamatsatfu nje ngentasi, ngase ngitsi, “Bengincamula gesi entasi lapho kumuntfu lobekangakabhadali sikweneti sabo. Ngenuka nganconcotsa emnyango,” futsi ngamtjela ngalentfombatane.

¹⁴³ Ngase ngitsi, “Leyontfombatane, yatsatseka kakhulu, yahamba yancamula esiyilweni, emva kweukhulumu nami, nalowomculo waba nemtselela lomkhulu kuye, waze wadzabula esiyilweni ahamba, ‘*Thathatha, thathatha, thathatha*’ futsi—futsi waphonsa kucabuza kulowo Clayton McMichen,” noma ngabe belingubani ligama lakhe kuleyo*Greenbrier Patch*, noma ngabe bekatoba yini ngephandle lapho. Ngatsi, “Ucabanga kutsi ukhona lotodzingeka asayne likhadi kumenta aye lapho ngeMgcibelo ebusuku na?”

Watsi, “Yebo-ke, cha.”

¹⁴⁴ Ngatsi, “Bek yobambisa ngaloko, letotimphahla letimbawla lebekatigcokile, bekayofika lapho.” Kunjalo. “Ngani na?” Ngatsi, “Ngoba kuye bekunemoya wekudansa.” Ngase ngitsi, “Manje, Mnaketfu Brown, ngiyacolisa ngekungati kwami, futsi ungacabangi kutsi ngitama kukutjela lokutsite, kodvwa ngifuna kukutjela lokutsite khona manje.” Uyabona na? Ngatsi, “I...Uma lababantu bebamtsandza Nkulunkulu njengoba lowo wesifazane bekatsandza kudansa, bebatoba sebandleni, bewungeke udzingeke kutsi usayne noma nguliphi likhadi kubayisa lapho.”

¹⁴⁵ Futsi kulapho-ke, mnaketfu, libandla lilahlekelwe inshisekelo yalo, lutsandvo lwalo lweliVangeli, ngemandla, ngaMoya loNgcwele, lilahlekelwe ngiko. “Kute yini libhalisamu kaGileyadi, kute yini inyanga lapho na? Pho kungani indvodzakati yebantfu bami ingakaphiliswa na?”

¹⁴⁶ Kungikhumbuta njenge—ngendvodza ifa etitebhisisi temnyango wadokotela uma dokotela anelikhambi lesifo

sakhe, intfo lefanako. Kunjalo. Uma umuntfu anesifo, futsi dokotela anelihlungu lalesosifo, bese lendvodza iyenyuka futsi yencabe kutsatsa umutsi wadokotela, khona-ke uma lendvodza ifela ngco esitebhisi semnyango wadokotela, ungamsola yini dokotela na? Ungalisola lelihlungu na? Ngubani lotosolwa na? Nguye lucobo. Kunjalo. Ungeke usole dokotela, unelihlungu, uyavuma kuliniketa. Ungeke usole lelihlungu, isayensi isitfolele lesifo. Ngako, ufela ngco esitebhisi semnyango, kodvwa ungamsoli dokotela. Kunjalo impela.

¹⁴⁷ Intfo lefanako nje namuhla, bantfu bafela ngco etitulweni tesono. Akusiko ngoba site lihlungu, akusiko ngoba site tinyanga, kungoba bantfu abafuni kusitsatsa. [Akucoshwanga etheyiphini—Umhl.]

¹⁴⁸ . . . futsi ucabange kutsi angawucondzisa umkhono wakho, kuyintfo leyingoti kungakwenti loko, ufanele ukwente, kuyingoti uma ungakwenti. Futsi bekukhona sikhatsi lapho besite khona lihlungu lelanelo, bantfu bafa babulawa lishashati, kodvwa balitfola lihlungu lako. Vendle, lihlungu leSalk, loko ku-loko kuhle, ngi—ngiyakutfokotela impela loko. Ngikholwa kutsi umuntfu bekangatitfoba kakhulu. . . .

¹⁴⁹ Wena utsi, “Mnaketfu Branham, uyakholelwu ekuphiliseni kwaNkulunkulu na?” Nguloko konkhe kophilisa kwaNkulunkulu, konkhe nalokuncane kwako kophilisa kwaNkulunkulu. “Ngiyi Nkhosi Lephilisa tonkhe tifo tenu.” Ya. Konkhe nalokuncane kwako kophilisa kwaNkulunkulu. Uma tibhedlela ne, netintfo letinjalo akusiyo i. . . .

¹⁵⁰ Ngitjeleni lapho kwake kwabakhona dokotela munye lobekangaphilisa sifo, noma ungitjele lapho banemutsi lotophilisa sifo khona. Ngaba nengcogceiswano kaMayo, nikubonile *kuReader's Digest*, nakanjalonjalo, Donny Morton, waphiliswa enhla lapha, bangibita, futsi batsi, “Asitisho kutsi sibaphilisi, Mnumz. Branham, sitisho kuphela kutsi sisita imvelo, munye uMphilisi, lowo nguNkulunkulu.” Impela.

¹⁵¹ Bengishumayela ngaloko ngalesinye sikhatsi, lomunye watsi, “Kutsiwani nge-phenisilini, Mnaketfu Branham, khona-ke nge—nge, u—umkhuhlane lomubi na?”

¹⁵² Ngatsi, “Yebo-ke, kufana nje nekutsi bewunendlu yakho igcwele emagundvwane, bese ufaka shevu, ubulale emagundvwane, loko akutivali timbobo.” Ngatsi, “Iphenisilini kuphela ibulala emagciwane, ayitfoli. . . ayakhi takhi-ngati tibuye, netintfo.” Nkulunkulu nguye kuphela uMdali longadala takhi-ngati, ne—nekhalsiyamu, futsi ngako, dokotela ucondzisa umkhono, akawuphilisi.

¹⁵³ Kube-ke bengigwedla imoto yami, futsi ngephuka umkhono wami, ngangena, ngatsi, “Dokotela, philisa umkhono wami ngalokukhulu kushesha, ngitocedzela kugwedla imoto yami.” Niyabona na? Angeke awuphilise, uvele awuhlanganise

ndzawonye ngesikhatsi Nkulunkulu asawuphilisa...?... Welekelela imvelo nje, Nkulunkulu unguMphilisi. Ngako, kukhona kuphela... Kunemaphilisi, futsi loko kuhle, futsi uma ungawatsatsi lawomaphilisi, khona-ke kuyingoti.

Yebo-ke, wena utsi, “Uyakholewa ekuphiliseni kwaNkulunkulu, futsi ukhol-...?”

¹⁵⁴ Yebo-ke, lalela mnaketfu, niglihala njalo ngikhuleka nsuku tonkhe nebusuku kutsi batfole lokutsite kwemdlavuza. Bukani bantfu labaphuyile. Nomayini... Akukho lutfo loluhle lolungafika, ngaphandle uma luvela kuNkulunkulu. Kunjalo. Besingentani namuhla kube besite letotindzawo na?

¹⁵⁵ Ngiyati ngesikhatsi ngicala kuphuma kwekucala emkhatsini webantfu bePhentekhostali, bona—bona, labanye bachucha emva kwesivalo kimi. Kodvwa niyabona kutsi Nkulunkulu wentani, Wavele wachubekela embili ngco, Uyabatsandza, futsi nje wabayekela bachubeka, nomakunjalo. Uphilisa ngalokufanako nje, ngako akwenti mehluko. Yebo, impela, konkhe kuphilisa kwaNkulunkulu, “NgiyiNkhosi Lephilisa tonkhe tifo tenu.”

¹⁵⁶ Ngikushito tikhatsi letinengi: Uma-ke ngijuba sandla sami lapha ke? Abanawo umutsi emhlabeni longaphilisa leso silondza semukhwa, kute ngisho namunye. Uma kungaphilisa kusikwa ngumukhwa lapho, kuphilisa kusika kwemukhwa ebhantjini lami, noma kulelideski.

¹⁵⁷ Wena utsi, “Awentelwanga libhantji lakho noma lideski, wentelwa sandla sakho.”

¹⁵⁸ Kulungile. Ngisikwe ngumukhwa esandleni sami futsi ngiwe ngife. Bangitsatse bangiyise entasi emoshali, futsi bagcobicise umtimba wami ngemutsi wekugcobisa longenta ngibukeke ngekwemvelo iminyaka lengemashumi lasihlanu. Bangijova ngephenisilini onkhemalanga, bafake iMerthiolate, neMercurochrome, bakutfunga ngalokuphelele, bodokotela bavela eJalimane, futsi bangigeze ngesitim, nanoma yini lenye labayifunako. Loko kusikeka bekusolo kufana nangesikhatsi ngisikeka iminyaka lengemashumi lasihlanu leyendlula. Manje, uma umutsi uphilisa umtimba wemuntfu awusiphilisi ngani na?

“Yebo-ke,” wena utsi, “awunakuphila.”

¹⁵⁹ Khona-ke umutsi awusiye umphilisi, kuphila kungumphilisi, niyabona. Khona-ke ngitjele kutsi kuphila kuyini, ngitonitjela kutsi Nkulunkulu unguBani. Nkulunkulu ukuphila, kunjalo impela.

¹⁶⁰ Manje, umutsi, *lomunengi* kakhulu, uyingoti kuwutsatsa. Kodywa, o, ungahle uchubeke uphile ngekungatsatsi lihlungu ladokotela, kodvwa ungeke uphile ngaphandle kweLihlungu laNkulunkulu, libhalisamu laKhe. Ungeke ukwente. Kuto—kuto... Impela ungeke ukwente.

¹⁶¹ Bese-ke, basitfola kanjani lihlungu na? Yebo-ke, *isayensi* letsite ifundza incumbi yonkhe yetintfo futsi bayakubilisa ndzawonye, futsi bawufake emashubhini ekuhlola, nakanjalonjalo, futsi bawubilise. emva kwesikhatsi nasebacabanga kutsi sebawutfolile, bawujova egwinsini, futsi uma sisindza kuwo, khona-ke bawujova kuwe. Kunjalo.

¹⁶² Futsi niyati, umutsi utobulala labanye bantfu, futsi usite labanye. Iphenisilini ibulele labanengi njengoba isitile, cishe. Kunjalo. Bengifundza ngalelelinye lilanga lapho nesi atsatsa khona umjovo iphenisilini kuleminyaka lelishumi nesihlanu leyendlulile, noma ngetulu, futsi watsatsa umjovo futsi wambulala, khona lapho. Niyabona na? Manje, niyabona, utobulala labanye futsi utosita labanye, ngoba bonkhe bantfu abentiwanga njengemagwinsi. Ngako, siyabona kutsi—kutsi—kutsi kungaleso sizatfu kusita labanye futsi—futsi—futsi kubulale labanye. Kunjalo. Kodvwa lihlungu laNkulunkulu lisita konkhe. Selapho, akusilo likhambi, Selapho. Amen. Kunjalo.

¹⁶³ Batsi umbulali wekucala yinkhatsato yenhliyiyo, uh-uh, ngi—ngiyejhlu ka kuwe, umbulali wekucala yinkhatsato yesono, kungakholwa, lowo ngumbulali wekucala. O, yebo.

¹⁶⁴ Niyati, bantfu batsi, “Angikhoni nje kuyekela kubhema, angikhoni nje kuyekela.”

Indvodza itsi, “Angiketsembeki kumkami, Mnaketfu Branham, kodvwa nje angikwati kukuyekela, wesifazane munye akangeneli.”

¹⁶⁵ Nalolomunye, lomunye wesifazane watsi, “O, angimati uMnaketfu Branham, Ngacala nje ngesikhatsi ngise yintfombatane lencane, kutsi ngigijime, angikhoni nje kuyekela. Loku kwephula likhaya lami. Ngi...”

¹⁶⁶ Niyati kutsini? Kungoba nje anizange niletame lelihlungu, nguloko kuphela. Niyala nje kulinatsa. Sinentfo lebulala loko. Sinentfo lekwenta uphile kahle kumkakho. Amen. Sinentfo lekhipha sifiso sabosikilidi kuwe. Sinentfo lekhipha sono kuwe, kodvwa uyala kuyitsatsa, nguloko kuphela. Ungeke nje utame lelihlungu, wesaba kuma kwakho emmangweni, wesaba loko kutalwa lokusha.

¹⁶⁷ Niyati, kutalwa lokusha nguloko bantfu labafuna kukubalekela, bafuna kubalekela lendzaba, ngako develi uyakufucela etulu, watsi, “Uma ukholwa, ngulapho la utalwa kabusha khona.” Loko akukalungi.

¹⁶⁸ Lalelani, noma ngukuphi kutala, njengoba ngishito phambilini, noma ngukuphi kutala kuyinyakanyaka. Angikhatsali kutsi kukuphi. Uma kusehhokweni letingulube, kuyinyakanyaka, inyakanyaka yetingulube letalelwae ngephandle lapho, kuyintfo lembi kabi. Uma bekungaphandle ensimini uma litfole litalwa, kuyintfo lembi kabi, inyakanyaka

lembi kabi. Uma kungephandle ekamelweni leliphinki, ligumbi lasesibhedlela lelihlotjisiwe, kusasolo kuyinyakanyaka. Nekutalwa lokusha kuyinyakanyaka, kodvwa ufanele ube naleyontfo leyinyakanyaka kuveta kuPhila lokusha. Amen.

¹⁶⁹ Nguleyo indzaba ngebantfu namuhla, Bayesaba kutsi kutowasha kususe pendi ebusweni babo nomu kubente bacondze, banelihlungu, kodvwa abafuni kulinatsa. Futsi Nkulunkulu utonibuta, “Kungani,” ngalelinye lilanga, “anikwentanga na? Anikwentanga ngani na?”

¹⁷⁰ Kunelihlungu, kukhona libhalisamu kaGileyadi, kunetinyanga lapho. Kodvwa sizatfu kungoba bantfu abafuni kusayinela leNyanga, bafuna i-aspirini esikhundleni, abafuni kucilonga lesifo.

¹⁷¹ Uma uya kudokotela futsi umtjele kutsi, “Ngi—ngiyagula, sisu sami siyangula, inhloko yami iyagula,” ufunu kukususa, yebo-ke, intfo yekucala layentako, utokunika indlela yekwenta lencane lene-aspirini kuyo, bese ukutfumela ngephandle. Lowo akusuye dokotela, utama kukukhweshisa. Dokotela sibili utosihlola lesosifo aze atfole sizatfu, bese-ke ucalu kusebenta kusukela lapho.

¹⁷² Sizatfu sitfola lokunengi kakhulu kuwa kuletinkonzo leti, *letibitwa* ngetinkonzo tekuphilisa. Wehlela lapho futsi uselayinini, ubukisise loko kuhlola lokufihlakele, finyelela phansi bese utfola leyontfo, ize iffole imbangela yayo. Uma utfola imbangela: “Naku lokungiko: wenta *loku*, wenta *lokwa*,” kuphila ngekungatiphatsi kahle netintfo, bantfu beta ngembili.

¹⁷³ Nikubonile emihlanganweni, anikubonanga na? Phakamisani tandla tenu uma nibone uMoya loyiNgcwele uhlola letotintfo futsi ubita tono ebeleni, besilisa labaphila ngekungesembeki kubafati babo, netintfo letinjalo. Ngabe kuke kwehluleka na? Kuhlala njalo kuliciniso. Une... Bewungatsela emafutsa enhloko yabo, futsi ugcobagcobe, futsi umpongolote, futsi ube nekuchachatela nemakhata, nako konkhe lokunye, lowodeveli uyolala khona lapho, ngoba unelilungelo lekuhlala lapho, uze uvume lesosono, futsi ukulungise, futsi uvumele Moya loNgcwele angene. Haleluya! Emuva ePhentekhosti!

¹⁷⁴ “Kute yini libhalisamu kaGileyadi na? Kute yini inyangna lapho na?” Impela, likhona, kodvwa bantfu abawufuni lomutsi, abalifuni lihlungu laNkulunkulu, nguloko kuphela. O, yebo, likhona—likhona—likhona libhalisamu kaGileyadi, futsi ikhona iNyanga lapho, kodvwa bantfu abafuni kulalela iNyanga, um-hum, besaba kutalwa lokusha.

¹⁷⁵ Bekukhona sikhatsi lapho le—lelihlungu, ngisho nesonu, lali ngaka condziswa kakhulu, ngoba bewu wemawundlu, nematuba, netinkhomo, nakanjalonjalo, kodvwa kuncono manje, kunemehluko lotsite.

¹⁷⁶ Niyati, njengoba ngishito, uma bodokotela bafuna kutama lihlungu labo, balijovela egwinski futsi babone kutsi litiphatsa kanjani. Kodvwa niyati, ngesikhatsi Nkulunkulu ehlisa lihlungu laKhe, Akalifakanga egwinski, Walifaka eNdvodzaneni yaKhe, covo lwaKhe. Watentela Yena lucobo umtimba, niyakukholwa loko na? Wasibekela intfombi Mariya wase utidalela Yena lucobo umtimba, wantjintja simo saKhe asuka kuNkulunkulu Jehova, waba nguMunfu lapha emhlabeni kutiveta Yena lucobo ngemtimba. Futsi Akawunikanga ligwinsi!

¹⁷⁷ Futsi ngifuna kucondzisa lenye yalemfundziso yenhaliswano lapha labayibita ngekutsi Beka ngumprofethi nje. Akazange akunike umprofethi, Ukunika Yena lucobo. Noma ngumuphi dokotela lolungile utowetama umutsi wakhe, abone kutsi uyasebenta yini. Jesu uwuniketa Yena lucobo.

¹⁷⁸ Wabhabhatiswa eJordani ngaMoya loNgcwele. Johane wafakaza, abona uMoya waNkulunkulu njengelituba wehlela etikwaKhe, liPhimbo litsi, “Lena yiNdvodzana yaMi letsandzekako, leNgitfokotile kuhlala kuYo.”

¹⁷⁹ Bakubukisisa: Ngesikhatsi Alingwa, lelihlungu labambelela; ngesikhatsi Ashaywa ebusweni, kwabambelela; ngesikhatsi Atfukutselisa, Akaphendvulanga; ngesikhatsi babeka indvwangu enhloko yaKhe futsi baMshaya enhloko ngendvuku, batsi, “Uma ungumprofethi, manje sitjele kutsi ngubani lokushayile,” lelihlungu labamba; ngesikhatsi bahlutfula silevu ebusweni baKhe futsi baMkhafunela ebusweni, nemasotja ladzakiwe advonsa sikhwehlela futsi aMkhafunela ebusweni, futsi advonsa silevu lesingagcwala sandla, sabambelela; eKhalvari, Sabambelela, haleluya; e-aweni lekuva sabambelela; ngesikhatsi Afa sabambelela; ngesikhatsi uMphefumulo waKhe wehlela esihogweni, sabambelela.

¹⁸⁰ Kodvwa ekuseni ngeliPhasika kwafakazela kutsi beku nguNkulunkulu. Lelihlungu Lalniketako likuPhila lokuPhakadze. Ungaligcina kanjani esihogweni na? Ungakubamba kanjani noma kukuyiphi lenye indzawo na? Emasango esihogo, kufa, nelithuna alikhonanga kukubamba. Wavuka futsi ngelusuku lwesitsatfu, wafakaza kutsi lelihlungu belingiso sibili. Amen. Wavuka! O, ngesikhatsi baMbona avuka! Baprofethi bafa futsi bangcwatjwa, kodvwa Jesu wavuka futsi.

¹⁸¹ Lihlungu laNkulunkulu belehlile njengelituba lelivela etulu, lakhanyisa etikwe Ndvodzana yaKhe luCobo, futsi Waphila imphilo, ngekuthula, wahambahamba, angesuye umbukisi, lotikhukhumetako ndzawanatsite, atikhukhumeta, “Niyabona kutsi ngingentani na?” WaTifihla, futsi watibamba, futsi wabuya kubantfu, nakanjalonjalo, wabitwa ngayo yonkhe intfo lebeyingabitwa, futsi Wachubeka ngco wakhonta labatfobekile, labagulako, tingwadla, nako konkhe lokwakukhona,

kwabambelela, sonkhe silingo sabambelela, futsi ekufeni kwabambelela.

¹⁸² Ekuphileni kwabambelela, ekufeni kwabambelela, futsi kwafakaza ekuvukeni kutsi kwaku kuPhila lokuPhakadze. Loko kuPhila kwaNkulunkulu luCobo. Leligma lelitsi *Phakadze* livela egameni lesiGrikhi lelitsi *Zoe*, lokuchaza kutsi “kuPhila kwaNkulunkulu luCobo kukuYe.” Futsi uma wemukela Moya loNgcwele, UkuPhila lokuPhakadze, nekuPhila kwaNkulunkulu luCobo kukuwe, ungeke usafa njengoba Nkulunkulu angenta.

¹⁸³ Watchlukanisa Yena lucobo, ngesikhatsi Ehla ngeluSuku lwePhentekhosti futsi watchlukanisa Yena lucobo, tiLim teMlilo, leyoNsika yeMlilo, ihlakateke yonkhe ebandleni futsi yahlala etikwalowo nalowo wabo, Nkulunkulu atehlukanisa Yena emkhatsini welibandla laKhe. Ludvumo! “Ngalolosuku niyokwati kutsi Ngiku Babe, Babe ukiMi, naMi ngikini.” Amen. Leyo yiPhentekhosti, leso sibusiso sibili.

¹⁸⁴ Lelihlungu labamba, yebo. Futsi kwentekani na? Emvakwaloko, bonkhe babona kutsi Lowo kwaku nguJesu lofanako. Tomase watsi, “Ngifanele ngifake sandla sami esandleni saKhe, naseluhlangotsini lwaKhe.” Wase utsi-ke, “Nkulunkulu wami! Nkhosi yami naNkulunkulu wami!” Bonkhe labanye bayakubona, bakukholwa.

Watsi, “Ningatsandza yini kuba bafo labagomile na?”

Watsi, “Yebo, ngifuna lomunye walowo mjovo wekuvikela, nami, ngoba ngifuna kuvuka, nami, ngelusuku lwekugcina.”

¹⁸⁵ Watsi, “Ngitokutjela kutsi yentani: Yenyukelani edolobheni laseJerusalema, futsi niyekele kushumayela kwenu, niyekele kuhlabela kwenu, niyekele kufakaza kwenu, kodvwa yenyukelani lapho edolobheni laseJerusalema futsi nilindze, ngoba Ngitotfumela yonkhe incumbi yako kuvela eZulwini.”

¹⁸⁶ Futsi uma kufika, bekungesuye u—umshumayeli lotsi, “Manje, sukumani, futsi sitokuta e-altari, beso sifafata lokuncane kuvuvutela luswayi, nakanjalonjalo.” Noma umphristi enyuka ngemgwaco nakhololo wakhe abheke emuva, atsi, “Khiphani lulwimi lwenu, sitotsatsa sidlo lesingewe iyukharisti,” futsi anatse liwayini. Basuse bafaka tonkhe letotintfo, leyo yimfundziso yemuntfu.

¹⁸⁷ Kodvwa ngesikhatsi Atfumela lihlungu entasi lapho, khona masinyane nje, kwavela eZulwini umsindvo, njengekuvunguta kwemoya lonemandla, futsi wagcwalis indlu yonkhe lebebahleti kuyo. NaNkulunkulu wagomisa likhulu nemashumi lamabili, lihlungu langena kubo, kuPhila lokuPhakadze. Sicuku semagwala, bebangasesiwo emagwala, baphuma emafasitelweni, eminyango, nako konkhe lokunye, baphumela etitaladini, futsi bayendza.

¹⁸⁸ Lalela, dzadzewetfu loliKhatolika, intfombi ntfo lebusisiwe Mariya bekakanye nabo, naye angunina weNkhosi yetfu Jesu Khristu. Futsi uma Nkulunkulu angamyekelanga ete eZulwini, waze wenyuka futsi watfola Moya loNgcwele futsi watiphatsisa kwabo bonkhe labanye, wayendzetela kwangatsi bekadzakiwe, utofika kanjani eZulwini nanoma yini lengaphansi kwaloko na? Cabanga ngaloko.

¹⁸⁹ Wena wesifazane loyiMethodisti, locabanga kutsi ngoba uwephathi yemakhadi, nani maBaptisti lobhabhatiswe emantini futsi nicabanga kutsi loko kuyakucatulula, nani nine Church of, *lokubitwa kanjalo*, Church of Christ, nani nonkhe, nani nine ma-Adventisti nelusuku lwersikhombisa, nine maPhentekhostali lajoyina lihlelo nje, nitofika kanjani eZulwini kunoma yini lengaphansi kwembhabhatiso waMoya loNgcwele na? Nitoba njani uma ningakagomi na? Ufanele ube nentfo lefanako. Kunjalo.

¹⁹⁰ Yebo, bonkhe bebadzayitela njenge madvodza ladzakiwe. Be-bebeme ngephandle, babahleka, batsi, “Lamadvodza agcwele liwayini lelisha.”

¹⁹¹ Ekugcineni, bekukhona umshumayeli lomdzadlana wasukuma wema etikwelibhokisini lensipho, noma siphunti, beka ngenamfundvo, bekangakwati kubhala ligama lakhe, bekangakaze abe kuletinye tetikolwa tetfu, kodvwa watsi, “Nine madvodza aseJudiya, nani nine lenihlala ejerusalema, akwateke loku kini: Laba abakadzakwa, njengoba nicabanga, njengoba nibona kutsi kuseli-awa lesitsatfu lemini. Kodvwa *loku nguloko*.” Mnaketfu, uma *loku* kungesiko *loko*, ngitokugcina nje *loku* kute kufike *loko*...???

¹⁹² Kwentekani na? Bahlabeka enhlitiyweni yabo, base batsi, “Madvodza nebazalwane, sigonywa kanjani na? Ngabe lisekhona yini lelinye libhalisamu kaGileyadi na? Ngabe ikhona yini inyanga lapho na?”

¹⁹³ Ya, bebanencumbi yelibhalisamu. Bebanenyanga. Ningatsandza kwati kutsi ligama lakhe bekungubani na? Bambita ngaDkt. Simoni Phetro. “Ya, sinenyanga lapha, ikutjela liciniso, inetikhiya teMbuso. Unenyanga, sinencumbi yebhalisamu.”

“Singentanjani na?”

¹⁹⁴ Futsi Phetro wasukuma emkhatsini wabo, watsi kubo, “Ngitonibhalela luhla lwemutsi nekusetjentiswa kwawo, futsi utoba wenu, nakubantfwana benu, nakubo labakhashane, nalabanengi iNkhosi Nkulunkulu wetfu leyobabita. Kuyoba luhla lwemutsi nekusetjentiswa kwawo lwaPhakadze.” Futsi watsi, “Phendvukani, ngulowo nalowo wenu, abhabhatiswe eGameni laJesu Khristu kuko kutsetselelwa kwetono tenu, khona nitakwemukeliswa Siphiwo saMoya loNgcwele. Ngoba lesetsembiso senu, nesebantfwana benu, nakubo bonkhe

labakhashane, ngisho nabobonkhe labo iNkhosi Nkulunkulu wetfu leyobabita.”

¹⁹⁵ Kutoba sikhatsi lesingakanani luhla lwemutsi nekusetjentiswa kwawo na? Kuphela nje uma Nkulunkulu abita, kusasolo kunguMoya loNgcwele lofanako.

¹⁹⁶ Manje, lokungiko, uma dokotela wakho akubhalela luhla lwemutsi nekusetjentiswa kwawo, futsi kuncono uwuyise kusokhemisi lokahle, ngoba utsatsa sokhemisi mbumbulu longasihloli kahle nje luhla lwemutsi nekusetjentiswa kwawo, angasibulala sigulane. Ngicabanga kutsi nguloko lokwentelekile, sinalamanengi kakhulu lamadzala, lafile, emabandla labophekile nje, luhla lwemutsi nekusetjentiswa kwawo. Loko kuvakala kuluhlata, kodvwa kuliniso.

¹⁹⁷ Manje, lowodokotela uyasicilonga sifo, uyati nje kutsi kubita ini, phoyizeni *longaka* kubulala leligciwane, likhambi *lelingaka* kuvimbela phoyizeni, kumvimbela kutsi akubulale. Niyabona na? Futsi uma ukhipha wonkhe shevu kuso, khona-ke sitokwentani na? Sigulane sakho, ngeke sisitisite nakancane. Ukhipha lonkhe likhambi, utobulala sigulane sakho ngashevuv. Ngako kuncono ube nasokhemisi sibili lowatiko kutsi kufundvwa kanjani luhla lwemutsi nekusetjentiswa kwawo, kukutjela kutsi yentani. Ningaphambani naloluhla lwemutsi nekusetjentiswa kwawo. Futsi yini indzaba namuhla, kube nebantfu labanengi kakhulu labaphambana naso. Kuyekele nje ngendlela lokungayo, futsi utsatse lomutsi. Haleluya!

¹⁹⁸ EmaMethodisti, emaBaptisti, iPresbyterian, iKhatolika, labandzako, emaPhentekhostali labophekile nje, nonkhe nine labanye, likhona libhalisamu kaGileyadi, futsi *nati* tinyanga lapha. Haleluya! Yini indzaba na? Kunencumbi yato letochumisa sonkhe sono nako konkhe . . .

¹⁹⁹ Alikho yini libhalisamu kaGileyadi na? Impela, likhona. Tikhona yini tinyanga lapho na? Incumbi yato, batolifundzisa ngendlela nje *lelibhalwe* ngayo lapho, hhayi nje kukhuphuka bese utsatsa incwadzi yakho, bese utsi, “Ngiyayintjintja kusuka kuMethodisti iye kuBaptisti.” O, hhe! Sukuma bese utsatsa kunyakatiswa kweluswayi, bese uphonza kuvuvtelala lokunengana kweluswayi kuwe *kanjalo*, bese utsi, “Sekuphelile, Mnaketfu, niketa ligunya lenhlanganyelo, netinyanga letisitfupha tekuhlolwa.” Ngumbhedvo.

²⁰⁰ Phetro watsi, “Phendvukani, nguloyo naloyo wenu.” Phendvukani, gucukani. Kunjalo.

²⁰¹ “Yebo-ke,” wena utsi, “kodvwa Mnaketfu Branham, ngesikhatsi ngitsatsa incwadzi yami, ngabuta lamadvodza loko ngaloku, Ngakufundza eBhayibhelini, kodvwa batsi, ‘O, loko bekusikhatsi lesidze lesendlula, abasenako loko.’”

²⁰² Watsini dokotela na? Watsi, “Lesetsembiso senu, nesebantfwana benu, nesabo labakhashane, ngisho nalabanengi iNkhosi Nkulunkulu wetfu leyobabita.”

²⁰³ “Hambani niye eveni lonkhe, futsi nishumayele liVangeli.” Kubani na? “Konkhe lokudaliwe, konkhe lokudaliwe.” Kute kube kuphi na? “Emhlabeni wonkhe.” Kuse ngakafinyelelwa kuwo namanje. Utohlala sikhatsi lesingakanani na? “Emhlabeni wonkhe.” Kutokwentekani na? “Letibonakaliso leti tiyobalandzela labakholwako, ngeliGama laMi bayokhipha emadimoni, bakhulume ngetilimi letinsha, uma baphatsa inyoka, noma banatse lokubulalako, angeke kubalimate, uma babeka tandla tabo etikwalabagulako, bayosindza.”

²⁰⁴ Sine libhalisamu kaGileyadi, sinetinyanga, kodvwa bantfu bayala nje kulitsatsa. Futsi Nkulunkulu utobuta, “Ngani na? Anikwentanga ngani na?” ngeluSuku lekwaHlulelw

²⁰⁵ Manje, sitfulule lomutsi kuleliviki ngawo onkhe emandla ami kuwutfulula, futsi ngalokucondze ngco njengoba ngati kutsi kuletfwa kanjani. Manje, uma ungakwemukeli, khona-ke Nkulunkulu utotsi, “Ngani na?” Ngalelinye lilanga liBhayibheli litobekwa livaliwe epulpiti, umshumayeli utodlala...akhuleke umkhuleko wakhe wekugcina, timpombi tiyofa tiphele ngenga yenkhucuta, nelilanga liyoshona kwekugcina ngale kweligcuma, khona-ke Nkulunkulu utokucela kutsi unikete sizatfu.

Uma labo labala uMlayeto
Batocelwa kutsi banikete sizatfu, kuyoba yini
ke?

Kuyoba yini ke? Kuyoba yini ke?
Lapho leyoNcwadzi lenkhulu seyivulwa,
kuyoba yini ke?
Uma labo labala loMlayeto kusihlwa,
Batocelwa kutsi banikete sizatfu, kuyoba yini
ke?

²⁰⁶ Niyetsamele lemvuselelo, Nkulunkulu unentele yonkhe intfo leseNcwadzini, uyifakazele, kuphela nje uma uphila... bantfu bemukele Moya loNgewe, bagewaliswe ngaMoya waNkulunkulu, labancane nalabadzala; ba—baphendvukile etonweni tabo; banenjabulo enhlitiywani yabo; sikubonile kophilisa kwaNkulunkulu kwenteka, bantfu labanenkhatstato yenhltiyo, netifo letehlukene tiphiliswa; sibone iNgelosi yaNkulunkulu yehla, bendlule kulesakhiwo njengoba nje Asho ngaphambi nje kwekuBuya kweNkhosi kuyoba njalo, kuhlolola imimoya netintfo letinjalo; kumphumisela kwesiprofetho kwaphuma; bantfu bakhuluma ngetilimi, futsi baprofetha, futsi bacinisekisa Livi emuva nasembili, nikubonile futsi nahlala. Ngukuphi lokukhetsako kusihlwa, iHollywood noma liZulu lelingewe na? Nitocelwa kutsi ninikete sizatfu ngalelinye lilanga, kuyoba yini ke?

²⁰⁷ Ngalesinye sikhatsi bekukhona wesifazane lomdzala lapha eveni, bekafa, bekabulawa yndlala, ashaywe buphuya. Ngako, lomunye wamjikisela kubomengameli, belusito. Futsi bay a kulona wesifazane, base batsi kuye, “Site kutohlola licala lakho, futsi sifuna kwati kutsi yini—yini lengalungi.” Watsi, “Awunasihlobo na?”

Watsi, “Nginendvodzana letsandzekako.”

Watsi, “Kuphi . . . ?”

Watsi, “Ungu somabhizinisi.”

“Upfi yena?”

“UseNdiya.”

“Ngani,” watsi “ngabe ungusomabhizinisi na?”

Watsi, “Yebo.”

Ngako watsi, “Kungani angakutfumeli lokutsite na?” Watsi, “Sekusikhatsi lesingakanani asetulu lapho na?”

Watsi, “Cishe iminyaka lelishumi.” Watsi, “O, ungusomabhizinisi lophumelele kakhulu.”

Watsi, “Yebo-ke, akakusiti ngani na?”

²⁰⁸ Watsi, “Angikhoni nje kumcela, angikhoni nje kukwenta, ungumfana lonemoya lomuhle kabi,” watsi, “Angikhoni nje kumcela ngako.” Wase utsi, “Ngimbhalela tincwadzi, futsi ungibhalela tincwadzi letimnandzi kakhu kutsi noma ngumuphi umfana langabhalela make wakhe, futsi angitjele kutsi ungi tsandza kangakanani.” Kodvwa watsi, “Kodvwa nje angikhonanga kumcela ngako.”

Wase utsi, “Yebo-ke, ufanele umtjele.”

²⁰⁹ Watsi, “Ngingeke nje ngikhone kukwenta, ngitjele indvodzana yami lucobo kutsi ngishaywe buphuya, netinfo,” watsi, “Bengingeke nje ngikhone kukwenta.” Kodvwa watsi, “Ungitfumelela titfombe letinhle kunato tonkhe lengake ngatibona emphilweni yami.”

Wase utsi, “Yebo-ke, hlubo luni lwetitfombe na?”

Watsi, “O, titfombe letincane letinhle, letitsi atibe tinkhulu kangako, letisikwele.”

Watsi, “Ngingasibona sinye na?” Watsi, “Utibekephi na?”

²¹⁰ Watsi, “Ngitigcina eBhayibhelini lami.” Ngako nako ajuba esiyilweni wahamba lomake lomdzala, wase utsatsa liBhayibhel i lakte, wase ucalu kulendlala, walendlala.

²¹¹ Lomhloli watibuka, bekanguwesifazane lonjingile. Betyi ni na? Bekungemaphepha ekukhipha imali lavela eNdiya, atitfombe letinhle. Wawatfolaphi na? EBhayibhelini lakte. Bekanjingile futsi angati. Wawatfolaphi na? EBhayibhelini lakte.

²¹² Awudzingi kutsi utiphatsise kwelive, awudzingi kutsi uhambe uboshelwe phansi wonkhe, ucebile. Ukutfolaphi na? EBhayibhelini. Uvele waLeca nje, wacabanga kutsi Laliyincwadzi nje yetitfombe, noma lenye iNdzaba *leliCiniso*, kodvwa Akusilo, LiLivi laNkulunkulu. Unjingile!

Ngingumntfwana weNkhosi!
 Ngingumntfwana weNkhosi!
 NaJesu uMsindzisi wami,
 Ngingumntfwana weNkhosi!

Babe wami unjingile ngetindlu nemave,
 Uphetse umcebo wemhlaba etandleni taKhe!
 Wemarubi nemadayimane, wesiliva negolide,
 Tingungu temali taKhe tigcwele, Unemicebo
 lengakhulumeki.

Lihlabeleni.

Ngingumntfwana weNkhosi!
 Umntfwana weNkhosi!
 NaJesu uMsindzisi wami,
 Ngingumntfwana weNkhosi!

²¹³ Asikhotsamise tinhloko tetfu. “Alikho yini libhalisamu kaGileyadi na? Ayikho yini inyanga lapho na? Pho kungani liBandla laMi lisenta ngendlela labenta ngayo na? Kungani liBandla laMi lichubeka lisuka kiMi na? Kungoba kute libhalisamu kaGileyadi, ngoba atikho tinyanga tekucilonga sifo sabo, futsi abatise kutsi baneliphutsa na?”

²¹⁴ Cha, sinato tinyanga, sine libhalisamu, kodvwa bantfu abalifuni. Ngicale kulibeka etikwebelusi, kodvwa ngitfola kutsi, akunandzaba kutsi ngilishumayela kangakanani, abanyakati, nakanjani. Kungahle kungabi ngumelusi, kungahle kube libandla. Niyabona na? Kunjalo. Uma nikufuna, likhona libhalisamu kaGileyadi.

²¹⁵ Bangakhi labangatsandza kuta eNyangeni leNkhulu kusihlw, ngabe tonkhe tono takho tisusiwe kuwe, unenjabulo lengakhulumeki, nalegewele inkhatimulo enhlitiywani yakho na? Ungasiphakamisa sandla sakho na? Utsi, “Ngikhulekele, Mnaketfu Branham.” Nkulunkulu akubusise, dzadze, ngalapha. Nkulunkulu akubusise, nsizwa. Nkulunkulu akubusise emuva lapho. Nkulunkulu akubusise etulu ekhatsi lapho. Loko kuhle kakhulu. O, impela. Nkulunkulu akubusise ngalapha, mnumzane.

²¹⁶ Etulu kuvulande losesitezi, ungayifuna leNkhulu iNyangu...? Nkulunkulu akubusise, yebo mnumzane, ngiyasibona sandla sakho ngale ngesekudla sami. Unga...? Nalodzadze lapha, Nkulunkulu akubusise, dzadze lomncane. Sincumo lesikhulu kusitsatsa.

²¹⁷ “Kute yini libhalisamu kaGileyadi na? Kute yini inyangalapho na? Pho kungani bantfu baMi basasolo balengela esonwениna? Kungani solo bahambahamba bafuna tintfo telive na? Akukho kweneliseka lokwenele eVangelini laMi kunakekela konkhe kulangatelela labanako na? Ngabe kukhona kujabula lokwenele uma baNgemukela na? Anginiki yini injabulo leyenele nelutsandvo, kutsi kutockhipha lonkhe lutsandvo lwelive kubo na? Ngatsi, uyati, ‘Uma nitsandza live, noma tintfo telive, lutsandvo lwaBabe alukho kini.’ Ngabe ikhona injabulo leyenele ekukhonteni Nkulunkulu kunisusa etintfweni telive na? Phoke kungani indvodzakati yebantfu baMi ingasindziswanga ekuguleni kwayo kwesono na?”

²¹⁸ Angabakhona yini lomunye ngaphambi kwekutsi sikhuleke na? Phakamisa sandla sakho, utsi, “Ngikhulekele, Mnaketfu Branham.” Nkulunkulu akubusise emuva lapho, dzadze. O, loko kuyamangalisa! Tandla letisikhombisa noma letisiphohlongo tiphakamile. Ngabe bakhona labanye futsi na? Utsi, “Ngikhulekele, Mnaketfu Branham, ngi—ngifuna libhalisamu kaGileyadi.” Likhona libhalisamu kaGileyadi.

²¹⁹ Angabakhona yini lomunye longatsandza kuba...abe nelihlungu laMoya loyiNgcwele leliletfwemphefumulweni wakho na? Ungasiphakamisa nje sandla sakho? Utsi, “Nkulunkulu, ngigome kusihlwa etintfweni telive, futsi ungigome kuko konkhe kungakholwa kwami, kute ngibe nekukholwa kwekuma njenge mKhristu sibili.” Phakamisa sandla sakho, ungakwenta na? Nkulunkulu akubusise, mnumzane. Nkulunkulu akubusise, nsizwa, lehleti lapha. Nkulunkulu akubusise emuva lapho, mngani wami. Nkulunkulu akubusise, mnaketfu. Lapha, loko kuhle.

²²⁰ “Ngigome, Nkhosi, etintfweni telive. Bengicabanga kutsi bengingeke ngikuyekele, kodvwa impela, angikaze ngitsatse lihlungu laKho namanje, ngingatsandza kuba nalo, Babe. Ngimele nje Moya loyiNgcwele ete futsi agome umphefumulo wami kuyo yonkhe iminako yelive. Ngikhumbule emkhulekweni, Mnaketfu Branham, ngiphakamisa sandla sami, ngoba ngiyakholwa.” Nkulunkulu abusise lona wesifazane losemussha, lohleti khona lapha. Nkulunkulu abusise lona ngalapha. Yebo, nsizwa, Nkulunkulu akubusise, loko kuhle. Kulungile. Khona ngalapha, yebo, iNkhosi ibusise, yebo, khona ngale ekoneni, nginalababili. Ya, iNkhosi iyasibona sandla sakho.

Asikhuleke kanyekanye manje.

²²¹ Babe loseZulwini, kalula nangelutsandvo, sita eMtfonjeni logwaliswe ngeNgati, lemunywe emitsanjeni ya-Imanuweli, lapho toni tibhukusha khona ngaphansi kwesikhukhula, futsi kusuka onkhe emabala ato elicala. Baphakamise tandla tabo, Babe, ngenca yekutsi—yekutsi bayakholwa. Futsi siyati kutsi bangumoya enhlitiywensi yabo, wase-ke Moya loyiNgcwele

wenyukela kubo, wase utsi, “Uneliphutsa, uneliphutsa. AwuNgemukeli ngani kusihlwa na?”

Futsi batsi, “Yebo, Nkhosi,” futsi baphakamisa sandla sabo.

²²² Manje, Watsi kuJohane 5:24, “Loyo lova Livi laMi,” futsi Nkhosi, ngekwati kwami konkhe ngiLishumayelile, “Loyo lova Livi laMi, futsi,” sihlanganiso, “akholve NguloNgiftumile, une,” sikhatsi samanje, “kuPhila lokuphakadze, futsi akasayi ekulahlweni, ekwaHlulelwensi, kodvwa wendlulile ekufeni wangena ekuPhileni.” Babe, ngi—ngibeka loko embikwaKho, lelo Livi laKho. Watsi, “Emazulu nemhlaba kutawendlula, kodvwa Livi laMi lingake.” Wena watsi, “Akekho umuntfu longeta kiMi, uma Babe waMi angamdvonsi kucala. Nako konkhe Babe laNgiphe kona kutawuta kiMi.”

²²³ Manje, siyafundzisa eBhayibhelini, “Labanengi labakholwa bangetwa eBandleni.” Manje, Babe, esentweni sekukholwa, Ngibeka labantfu laba, labaphakamise tandla tabo, eBandleni laNkulunkulu lophilako ngekuvuma kweukuholwa, kutsi babantfwana baKho kusukela kusihlwa kuchuboke. Futsi manje, Babe, bete ehhovisi laDokotela, bangekhatsi kwemnyango manje, futsi bafuna kwenyukela kuyo iNyanga leNkhulu kutsi babe naMoya loyiNgcwele loniketwe bona, uMjovo wekuvikela, liBhalisamu, letobavimba etintfweni telive.

²²⁴ Wena watsi, “Emvakwekuba sewukholiwe wabekwa luhawu ngaMoya loyiNgcwele wesetsembiso.” Ngiyahuleka, Nkulunkulu, kutsi batofola lowoMoya loyiNgcwele wesetsembiso kusukela baba bantfwana baKho. Siphe kona.

²²⁵ Manje, sisakhotsamise tinhloko tetfu, Ngitocela ngamunye labaphakamise sandla sabo kutsi basukume nje umzuzwana bentele livi lemkhuleko. Wonkhe lophakamise tandla takho, a—angikholwa kutsi ukwentile loko kutsi nje uhlekise ngako, Ngikholwa kutsi impela benikucondzile embikwaNkulunkulu emhlanganweni lonjengalona. Sukumani, kunjalo, sukumani nime ngetinyawo tenu. Ndzawo tonkhe, etulu kuvulande losesitezi, noma ngabe ukuphi, sukuma ume ngetinyawo takho. Kunjalo. Nkulunkulu anibusise. Loko kuhle. Sukuma ume ngetinyawo takho umzuzu nje. Ngephandle ehholeni, uma nje nitokuma ngetinyawo tenu, nitsi, “Ngi—ngiyakwenta loko kuvuma cobo lwami.” Kunalabanengi labemile manje.

²²⁶ Manje, bami—bami labatsandzekako, bomnaketfu labatelwe kabusha, nabodzadzewetfu, ngi—ngicabanga ngembono lengiwubonile. Ngalelinye lilanga ngale eveni, ngifisa kwangatsi nje bengingahamba ngiphumele lapho manje, futsi nginigace, futsi nginigone. Be—bekungeke kubenjalo kulemphiло yemuntfu, bengingeke ngikwente loko, kodvwa nje ngesheya kwemncele, ngalelinye lilanga ngiyokwenta. Niyojabula kakhulu, ngijojabula kakhulu uma nginibona,

nani ningibona, futsi si—siyoba bomnaketfu nabodzadze sibili ngalesosikhatsi. Sinekutsinta lokuncane nje kwako manje.

²²⁷ Manje lalelani, ngitonitjela kutsi Nkulunkulu watsini, Nkulunkulu watsi, “Akekho umuntfu longeta kiMi, uma Babe waMi angamdvonsi kucala. Nako konkhe loko Babe laNgiphe kona kutawuta kiMi.” Manje, ute ngoba uyati kutsi awukakufaneli kuta, kodvwa uta ngenga yekutsi intfo letsite enhlitiyweli yakho ikutjelile kutsi bewusephutseni, futsi awusafuni kuphindze ube neliphutsa. Loko kuvuma kweliciniso. Manje, liBhayibheli lasho loku: “Loyo loyoNgivuma embikwebantfu, yena Ngiyomvuma embikwa Babe waMi netiNgelosi letingcwele.”

²²⁸ Manje, bafundisi basesontfweni, ngabe nguloko Jesu lakusho na? Wakusho loko. Manje, wenteni na? Umile lapha langembili lokungenani kulabangemakhulu lasitfupha, noma mhlawumbe ngetulu, kulesakhiwo kusihlwa, kwenta bufakazi, “Ngineliphutsa, futsi ngiyamemukela Jesu Khristu njengeMsindzisi wami. Ngi...Kukhona Intfo lekhulume enhlitiyweli yami, futsi yatsi, ‘Lobu busuku bakho,’ ngako ngiyasukuma ngenga yekutsi ngenta fakazi kutsi ngineliphutsa; ngifuna kuma lapha kutsi ngibe ngufakazi waKhristu.”

²²⁹ Manje, Khristu utokwenta fakazi ngawe. Futsi Watsi, “Ngitofakaza ngani embikwaBabe, netiNgelosi letingcwele.”

²³⁰ Manje, nisemile ngalendlela leningiyo, ngifuna nine, ngamunye, uma nikholwa kutsi Jesu uyiNdvodzana yaNkulunkulu, naseKhavari ngesikhatsi lawomafu lamnyama bekantanta etikwesiphambano, umbane wawumanyata, Jesu afa, omile, akhala, Nkulunkulu bekatsela lulaka lwaKhe lolunemandla etikwaJesu, futsi Wayitsatsa endzaweni yakho (Uyakukholwa ngesihle loko kutsi kuliciniso, kutsi Wayitsatsa endzaweni yakho na?), futsi manje utokwemukela kucolela kwaKhe, hhayi kutsi utiva unjani, kodvwa loko lokukholwako, kutsi—kutsi Wakwentela loko, uma utokwemukela, futsi utsi, “Nkhosi, i...Ngingeke ngente lutfo, ngi—ngisoni lesibi kabi nje, kodvwa ngiyakwemukela kucolela kwaKho ngami. Ngi—ngiyakwemukela kutsi Wafa endzaweni yami, ngiyakukholwa loko ngenhlitiyo yami yonkhe,” phakamisa sandla sakho, wena lo... Ya, loko kuhle. Wonkhe umuntfu, wonkhe umuntfu.

²³¹ Manje, ngekwati kwami emBhalweni, nguloko kuphela lengifanele ngihambe ngako, usindzisiwe e...ungeke ute ekwaHlulelwani, kodvwa wendlulile ekufeni wangena ekuPhileni.

²³² Manje, ngifuna nine maKhristu lenime edvute nalabantfu laba labemile, Ngifuna niphakamise inhloko yenu futsi nibuke, ngifuna nibachawule futsi nitsi, “Nkulunkulu akubusise, mnaketfu, dzadze. Siyakwemukela eMbusweni waNkulunkulu.” Gucukani nje, nibachawule. Kunjalo.

“Siyakwemukela, mnaketfu longumKhristu, dzadze.” Kunjalo. Ngibona besifazane bagacana, netintfo, kuyamangalisa nje. “Nemukelekle eMbusweni waNkulunkulu.”

²³³ Ngifuna nine manje nitfole lelinye libandla leliVangeli leliGcwele lelihle, vumela umuntfu lotsite akubhabhatise ngembhabhatiso wemaKhristu, bese-ke ufunu umbhabhatiso waMoya loNgcwele. Manje, loko kukugoma kuyo kanye nje lentfo lekulahlile kusihlwa, uvele nje wendlule ngetulu kwayo. Niyabona, umjovo wekuvikela ukuvimbela esifeni. Umjovo wekuvikela waMoya loyiNgcwele ukunika emandla kuncoba tonkhe tilingo telive. Ngabe kunjalo, bafundisi basesontfwemi na? Kwenu... libhalisamu, libhalisamu lemjovo wekuvikela kutsi... Wena utsi, “Nga—ngatama Mnaketfu Branham, kodvwa—kodvwa ngehluleka.” Kodvwa niyabona, akusiko loko lokwentako, kunguloko Lakwentele kona. Akusiko loko longiko, kunguloko Langiko. UyaMkholwa.

²³⁴ Manje, akutsi... wota kuYe nje, Wetsembele njengeNyanga yakho, futsi Akugome manje ungangeni etilingweni te... Manje, utolingwa, kusobala, kodvwa lesihle, sitfombo lesicinile asidzingi kufutfwa, sicinile futsi sinemandla, kumelana netintfo kwaso kujika le tilokatana. Futsi nguleyondlela umKhristu lolungile locinile, angancoba tonkhe tilingo, ngoba kuncoba tonkhe tintfo telive.

Lowesifazane angatsi, “Wota, s’tandwa, awunawuba yifashini lendzala manje, uya emdansweni.”

“Ngitfole liPharele lensesengo lenkhulu.”

“Manje, uyati utobhema futsi.”

“Cha, mnumzane, ngitfole *Intfo* lenkhulu kakhulu. O, Yinkhulu kakhulu!”

²³⁵ Nkulunkulu anibusise manje. Ningahlala phansi. Futsi Nkulunkulu abe nani. Ngikhulekela kutsi emva kwelilayini lala bakhulekelwako, kutsi nitokwenta indlela yenu leta e-altari yaNkulunkulu, futsi nitogewalis...nigewaliswe ngaMoya loNgcwele kusihlwa. Ngikhulekela kutsi Nkulunkulu Babe wetfu utonipha loko. Hmm! Akamangalisi na?

²³⁶ Manje, uma senta loko, Moya loyiNgcwele lomkhulu ulapha... Ngesikhatsi ngisabuka etetsamelini, Beringavele nje... Ngiyati nje sitoba nemhlangano lomkhulu wemkhuleko walabagulako. Ngaphambi kwekutsi sibite loko, asibe nje ne... Bangakhi longenalo likhadi lekukhulekelwa na? Angifuni muntfu lonelikhadi lekukhulekelwa, ngoba ngitonikhulekela lapha. Labo labangenawo emakhadi ekukhulekelwa logulako, phakamisani tandla tenu. Kulungile. Manje, bamba sandla sakho nje, kute nje ngikhone kucalata, bamba tandla takho kulesifundza lesi.

²³⁷ Nangu dzadze, ukhona lapha, ubeka sandla sakho phansi manje. Yebo. Awunalo likhadi lekukhulekelwa na? Yebo-ke, kute letotinswane letisandza kutalwa tati kutsi loMoya lobewushumayela bekungesimi, bekunguYe. Niyabona na? Kubatisa... Manje, ngifuna ningibuke, futsi ningikholve njengenceku yaKhe. Niyakwenta loko na? Ngabe Jesu bekangabuka e—etetsamelin... futsi—futsi bakholwe ngayo yonkhe inhlitiyo yabo kutsi Nkulunkulu angabaphilisa labagulako na? Uyakukholwa loko? Kulungile, kube-ke ngikutjele kutsi inkhatsato yakho seyiphelile ke? Inkhatsato yakho yetinso, inkhatsato yenyongo, netintfo, sekuvele kwendlulile kuwe, futsi sewuphilisiwe. Manje, phakamisa sandla sakho uma loko kunjalo. Kulungile, manje hamba nje, futsi ukholve, futsi ube nekukholwa, usindze.

“Uma ungakholwa!” Uyakholwa ngenhlitiyo yakho yonkhe manje na?

²³⁸ Kulungile, ngalapha kuloluuhlangotsi. Kunewesifazane lolikhaltasi lophakamise sandla sakhe. Ucabangani, Dzadze na? Uyangikholve kutsi ngingumprofethi waNkulunkulu, noma,inceku yaKhe na? Ngicabanga kutsi nginemusa lowenele esicukwini kutsi ngitsi *umprofethi*. Kulungile. Uyangikholve kutsi ngingumprofethi waKhe na? Unguwesifazane wase-Topiya, ngingumuntfu wase-Anglo-Saxon, njengoba Jesu ahlangana nalowesifazane emtfonjeni, wakhulumu naye umzuzwana nje. Manje, uma Jesu atongatisa inkhatsato yakho, utokholwa kutsi nguMoya lofanako lowawu setikwaKhe, nguLowo losetikwami na? Utokholwa na? Khona-ke umfutfo wakho wengati lophakeme utokushiya.

Uyakholwa na? Bani nekukholwa, ungangabati, kholwa nje ngayo yonkhe inhlitiyo yakho. Bani nekukholwa, futsi ungangabati.

²³⁹ Manje ngiyafulatsela, khulekani. Dzadze ubonakala embikwami, uhleti ngalapha. Uphetfwe sifo sekuvuvuka kwemalunga. Sukuma. Ligama lakhe nguNkkt. Hart. Sukuma. Unalo likhadi lekukhulekelwa na? Cha, awunalo; awulidzingi. Utsintse *Intfo* letsite, awukayitsintsina?

²⁴⁰ Uyakholwa ngenhlitiyo yakho yonkhe na? Manje, bangakhi lowatiko kutsi Jesu Khristu watsi lowoMoya lofanako uyoba lapha na? Bangakhi lowatiko kutsi leso bekusibonakaliso saMesiya ngesikhatsi Jesu asesemhlaben na? Bangakhi lowatiko kutsi Wakwetsembisa eBandleni lelikhetsiwe etinsukwini tekugcina na? Yebo-ke, naku.

²⁴¹ Manje, niyabona, labaphendvukile labasha, emvakweminyaka letinkhulungwane letimbili, akukaze kwenteke eminyakeni letinkhulungwane letimbili, ngoba kuKhanya kwakusihlwa kuyakhanya. LiBhayibheli latsi kuyofika lusuku lolungayuba yimini noma busuku, kodvwa

ngesikhatsi sakusihlwa kuyoba kukhanya. Um-hum. Nango ke Yena. Manje, nhloboni yekuKhanya lokuyoba ngiko na? Lilanga lelifanako lelaphuma emphumalanga lishona enshonalanga. Ngabe kunjalo na? KuKhanya kwakusihlwa sekufikile. Niyakukholwa loko na?

²⁴² Manje, bangakhi lonelikhadi lekukhulekelwa na? Asibone tandla tenu. O, kukutsi, ngiyacabanga, kusondzele ekhulwini. Manje, iphi indvodzana yami? Ngumaphi emakhadi ekukhulekelwa lowakhophile? C, kusukela kulekucala kuya, kuya kulemashumi lasihlanu, kusukela kulekucala kuya kulemashumi lasihlanu. Ngubani lonelikhadi lekukhulekelwa lekucala, lesibili, lesitsatfu, lesine, lesihlanu na? Abasukume kucala khona lapha. Lekucala, lesibili. Utsini? Lekucala, lesibili, lesitsatfu, lesine, lesihlanu, ngiyababona. Lesitfupha, lesikhombisa, lesiphohlongo, lemifica, lelishumi, abete. Shayani lilayini khona *lapha*, lomfana utonishayisa lilayini, nite nje ngekwenombolo yenu. Lishumi.

²⁴³ Kutoba lukhuni kutitsintsitsa kulologcobo manje. Hmm! Seluvele lascalile, lusolo lumphumela etikwetetsameli.

²⁴⁴ Lishumi nakunye, lishumi nakubili, lishumi nakutsatfu, lishumi nakune, lishumi nesihlanu, lishumi nesitfupha, lishumi nesikhombisa, lishumi nesiphohlongo, lishumi nemfica, emashumi lamabili, emashumi lamabili nakunye, emashumi lamabili nakubili, emashumi lamabili nakutsatfu, emashumi lamabili nakune, emashumi lamabili nesihlanu.

²⁴⁵ Wotani nje njengoba ngibita, uma nitsandza. Wotani nitungelete ngco ngalapha, bese nibuyela ngco elayinini lapho. Emashumi lamabili nesihlanu, emashumi lamabili nesitfupha, emashumi lamabili nesikhombisa, emashumi lamabili nesiphohlongo, emashumi lamabili nemfica, emashumi lamatsatfu, emashumi lamatsatfu nakunye, emashumi lamatsatfu nakubili, emashumi lamatsatfu nakutsatfu.

²⁴⁶ Kutsiwani ngani nonkhe nje nibamba lilayini khona lapha kusukela emashumini lamatsatfu nakutsatfu khona lapha na? Futsi-ke bebakhona kubamba lelolayini emuva lapho. Emashumi lamatsatfu nakutsatfu, emashumi lamatsatfu nakune, emashumi lamatsatfu nesihlanu, emashumi lamatsatfu nesitfupha, emashumi lamatsatfu nesikhombisa, emashumi lamatsatfu nesiphohlongo, emashumi lamatsatfu nemfica, emashumi lamane. Khona lapha nje, uma kuphela lelolayini, bangabamba kulo ngco. Emashumi lamane nakunye, -nakubili, -nakutsatfu, -nakune, -nesihlanu, -sitfupha, -sikhombisa, -siphohlongo, -nemfica, emashumi lasihlanu. (*Kholwa Kuphela*.)

Kholwa kuphela,
Konkhe kungenteka, kuphela...

²⁴⁷ Uma noma ngumuphi wemaDvodza labo somaBhizinisi beFull Gospel alapha, ngitotsandza kuba naletimbalwa taleto

tincwadzi naloko-loko, Mnaketfu Tommy Hicks, uma ukhona, ubhale incenye lenhle yaloko, loko kuhle kakhulu. Kuna lokuncanyana nje kuko, kodvwa ukwente kwamangalisa nje, ngiyakutfokotela. Ngitsandza kuba nalokunye kwebangani bami, ngitokutsenga, mhlawumbe lokutsatfu, noma lokune, emakhulu lasihlanu aka.

²⁴⁸ Manje, esikhundleni sekusho... Manje, asihlabele, “Manje ngiyakholwa.” Seniyakholwa manje? Niyati, Jesu ekupheleni ngco kwe... ekupheleni ngco kwenkonzo yaKhe, Bafundzi baKhe abakhonanga kuMcondza, akekho lowaMcondza. Wati kanjani...? Kanjani loko... Bangakhi lowatiko kutsi bebangeke baMcondze na? Impela. Ngani na? Bebacabanga kutsi Bekanebuntfu lobubili. Cha, ngalesinye sikhatsi bekunguJesu akhulumma, ngalesinye sikhatsi bekunguBabe kuYe akhulumma. Niyabona na? Niyabona na? Bekunguloko-ke. UMuntfu. Ngako Jesu washo njenge...

Batsi, “*Manje siyakholwa. Manje siyakholwa kutsi Wati tintfo tonkhe futsi akukho muntau lodzinga kuKufundzisa. Si...*”

Jesu watsi, “Seniyakholwa manje na?” Niyabona na?

Asilihlabelle, “Manje ngiyakholwa, Nkhosi. Wente lokwenele, Usiphe Moya loNgcwele, Usiphe kukhuluma ngetilimi.”

²⁴⁹ Manje, mangakhi emaPhentekhostali lalapha na? Asibone tandla tenu. Kulungile. Manje, alisho yini liBhayibheli, Pawula watsi, Pawula lomkhulu watsi, “Uma kukhona... Uma nonkhe nikhuluma ngetilimi, nalongakafundzi angene, futsi—futsi nonkhe nikhuluma ngetilimi, batotsi niyahlanya. Kodvwa uma lomunye angumprofethi, futsi embule imfihlo yenhlitiyo, khona-ke batokuwa phansi, batsi, ‘Impela Nkulunkulu unani.’” Ngabe kunjalo na? IPhentekhosti impela nje ita. Niyabona na? Niyabona na? Ningaphumeli enhubeni yelive, hhalani niyiPhentekhosti.

²⁵⁰ Nonkhe nine maMethodisti ekhatsi lapha, bangakhi ekhatsi lapha lebeba ngemaMethodisti ekucaleni? Asibone tandla tenu. Niyabona na? Bangakhi lebeba ngemaBaptisti? Phakamisa sandla sakho. Bangakhi lebeba ngemaPresbyterian? Phakamisa sandla sakho. Bangakhi lebeba ngemaKhatolika na? Phakamisa sandla sakho. Niyabona na? Kwentekile ngakutjela, mngani, ngivila emndenini wemaKhatolika, nami. Ngingum-Irishi. Kunjalo.

²⁵¹ IKhatolika, ingcogcisiwano nalomunye umphristi ngalelelinye lilanga, hhayi, noma, hhayi ngalelelinye lilanga, esikhashaneni lesendlulile impela, batsi, “Uma loku kukwa Nkulunkulu, tonkhe tiphiwo teliciniso tibuyela ebandleni lelingumake.”

²⁵² Ngatsi, “Ngabuyela emuva eBandleni lelingumake kusukela ngemukela Moya loNgewe.” Ngatsi, “Ucondze kutsi make wetinhlangano, hhayi make weliBandla. Satalelwa kuLo, hhayi kutsi sijoyine kuLo, satalelwa kuLo.” Kunjalo. Kulungile.

Manje ngiyakholwa, (Wente lokwenele,
Nkholosi, ngiyakholwa manje.) manje
ngiyakholwa,
Konkhe kungenteka, (Niyakukholwa na?)
manje ngiyakholwa;
Manje ngiyakholwa, manje ngiyakholwa,
Konkhe kungenteka, manje ngiyakholwa.

²⁵³ Manje asikugucule, sitsi, “Manje ngiyemukela.” Beka sandla sinye enhlitiyweni yakho, lesinye siphakamele kuNkulunkulu.

Manje . . . (Likhona libhalisamu kaGileyadi,
uyalemukela na?) manje ngiyemukela,
Konkhe kungenteka, manje ngiyemukela;
Manje ngiyemukela, manje ngiyemukela,
Konkhe kungenteka, manje ngiyemukela.

²⁵⁴ Manje, ngabe Wente tonkhe tintfo kahle na? Ngabe Wente tonkhe tintfo Letsembisa kutenta na? Kunjalo. Manje, asikhotsamise tinhloko tetfu kanyekanye, nako konkhe, Watsi, “Ngalendlela, nifanele nikhuleke,” sonkhe kanyekanye:

Babe wetfu LoseZulwini, Alingeweliswe
liGama laKho.
Umbuso waKho urike. Intsandvo yakho
ayentiwe emhlaben, njengaseZulwini.
Siphe namuhla sinkhwa setfu semihla
ngemihla.
Futsi usitsetselele tiphambeko tetfu, njengoba
natsi sibatsetselela labo labasonako.
Futsi ungasiholeli ekulingweni, kodvwa
usikhulule kulokubi: Ngoba uMbuso
ungewaKho, nemandla, nenkhatalimo,
kute kube phakadze. Amen.

Wena utsi, “Ukwenteleni loko, Mnaketfu Branham na?”

²⁵⁵ Emkhulekweni . . . Watsi, “Emva kwalendlela,” yonkhe intfo seyentiwe. Watsini ekhatsi lapho na? “Sikhulule kulokubi, konkhe kungakholwa, konkhe kugula, tonkhe tifo, tonkhe tinhlupheko, tonkhe tinkholoze, yonkhe intfo. Sikhulule kulokubi.”

²⁵⁶ Manje, niyati bengingeke ngehle ngalelo layini ngekuhlola lokufihlakele, bengi—bengingendlula ngiphume ngalokuphelele ngaphambi kwekutsi ngehle hhafu kuko. Manje, kusasa ebusuku sitoba nelilayini lekuhlola lokufihlakele entasi kulenyen indzawo; kusihlwa, sitokhulekela labantfu laba.

²⁵⁷ Bangakhi kini kulelo layini lapho manje ngesizotsa, niyabona kutsi kanjani...? Ngifuna kubuta, nikhuluma ngemmangaliso, angakwenta kanjani umuntfu, sidalwa lesingumunfu njengami, ati letotintfo na? Beningeke ngikhone kukwenta. Bangakhi kini labakholwako kutsi leyo ngyo kanye lentfo iNkhosi yetfu Jesu leyayenta na? Niyakholwa na? Yebo-ke khona-ke, lologcobo lenginitjele ngalo, futsi nganishumayela liciniso, manje Jesu wehlile futsi wafakaza kutsi loko kuliciniso. Ngabe kunjalo na? Khona-ke, Watsi, "Letibonakaliso leti tiyobalandzela labakholwako." Ngabe kunjalo na? Manje, loko kungenta ngibe likholwa. Ngabe kunjalo? Manje, Lakusho kwakukutsi ngibe likholwa? "Uma babeka tandla tabo etikwalabagulako, bayosindza." Ngabe kunjalo na?

Manje ngifuna kunikhombisa lokutsite:

²⁵⁸ Belusi, bavangeli, titfunywa tenkholo, bangakhi kini nonkhe labangemakholwa na? Niyabona na? Manje, ngitocela labanengi benu nonkhe labangakhona, yehlelani khona lapha nami. Niyabona na?

²⁵⁹ Ngi—ngi...Hhayi, kuvumela umvangeli ente yonkhe intfo, bantfu, angifuni nibe nekukholwa kwenu kwakhelwe kumvangeli, Ngifuna nibe nekukholwa kwenu kwakhelwe kumelusi wenu lucobo. Uyindvodza letokuhola kusukela lapha kuphume, niyabona. Nalamadvodza lawa...

Yehlani, labanye benu bomnaketfu. Yehlani lapha, asente emalayini lamabili. Ya, emalayini lamabili.

²⁶⁰ Lamadvodza lawa angemadvodza aNkulunkulu lakholwako. Ngitokuma ngco emkhatsini wawo, futsi sitokhuleka. Bangakhi ngephandle lapho lotobe abakhulekela, futsi, ngephandle lapho na? Phakamisa sandla sakho. Khumbulani, kunamake walomunye umuntfu, kunababe walomunye umuntfu, kukhona s'thandwa salomuny'umuntfu, umntfwana walomuny'umuntfu. Ngabe kunjalo na? Yebo-ke, kube bekunguwe ke? Kube bekungumake wakho ke? Kube beku ngumntfwanakho ke? Kube-ke beku ngudzadzewenu, umkakho, umyeni wakho ke? Bewungafuna umuntfu lotsite acotfo, bewungeke na?

Manje, sitokhuleka, nawo onkhe lamadvodza aNkulunkulu...

²⁶¹ Wotani khona ngalapha, bazalwane, uma nitsandza. Yehlani nje ngco ngalendlela, futsi nente lilayini leliphindwe kabilis. Niyati kutsini? Ngitonitjela, kungenta ngitichenye enhlitiywensi yami futsi ngibonge kutfola tinceku taNkulunkulu letitokuma embikwebantfu futsi titsi, "Ngingu fakazi waleliVangeli, nami."

²⁶² Anitichenyi ngebelusi benu na? Tsanini, "Ayidvunyiswe iNkhosi," uma nitichenya ngalabelusi laba. Siyatichenya ngebazalwane betfu. Amen. Siyatichenya ngabo. Babafundisi benu. Umfundisi kusho u "melusi." Lawa, ngalinye

lalamadvodza analo kakhulu nje lugcobo lwekubeka tandla etikwalabagulako njengoba ngenta.

²⁶³ Manje, angisuye umshumayeli, babashumayeli, banesikhundla lesiphakeme kunalenginaso mine, sami sikhundla sesiprofetho, kuprofetha. Manje, abanjalo, abakhelwanga loko, abamiselwanga loko. Kodvwa litsini liBhayibheli? “Nkulunkulu umisile ebandleni, baphostoli,” loko titfunywa tenkholo, “baprofethi, belusi, bothishela, bavangeli.” Ngabe kunjalo na? Leto tiphiwo, tigcotjwe nguNkulunkulu futsi tinelugcobo.

²⁶⁴ Manje, anginamfundvo, kungalesosizatfu ngitsi angisuye umshumayeli. Lamadvodza lawa bekangatsatsa leLivi, futsi bekangeke adzingeke kutsi asebentise lesinye saletiphiwo leti, bebangakhona nje kubeka leloLivi ngephandle lapho kute babophe Sathane ngelifindvo lelinjalo bekangeke aphume kulo. Niyabona na? Kodvwa ngingeke ngikwente loko, lolo akusilo lubito lwami. Babitelwe loko. Manje, kodvwa ba—bangemadvodza aNkulunkulu, wonkhe umuntfu lobitwe nguNkulunkulu utfunywe kutsi abeke tandla etikwa labagulako, futsi bayosindza. Bangakhi lokukholwako loko na? Khona-ke utokwehluleka kanjani kusindza, wendlula emseleni lonjengalona?

²⁶⁵ Nike nacaphela kutsi Solomoni walakha kanjani lithempeli lakhe na? Lalelisani, ngesikhatsi ungena emnyango, kwentekani? Bekukhona tiNgelosi lebetilolongwe ngelukhumi lwemncumo nemaphiko ato atjekela ngesheya, kutsi sonkhe sikhonti lesita esihlalweni lesingcwele, sehle ngco ngetulu kwetimpaphiko taletiNgelosi leti, phansi ngco esihlalweni semusa, phansi ngco e-altari. Niyayati inchubo yelithempeli laSolomoni.

²⁶⁶ Yebo-ke, yini *ingelosi*? Si “tfunywa.” Tfola sichazamagama bese uyatfola kutsi *ingelosi* isho kutsini. Letinye tato tititfunywa taseZulwini, letinye tato tititfunywa tasemhlabeni, kutsi Nkulunkulu ahlale kuto kuletsa uMlayeto waKhe wasemhlabeni. Futsi leti titfunywa, tingelosi teNkhosi, titfunywa kini, futsi beme lapho netandla tabo tiphumile, kulalela loko Nkulunkulu lakusho, “Bekani tandla etikwalabagulako, futsi batosindza.” Kutofanele kwenteke, akunjalo na? Niyakukholwa loko, nonkhe nine lenendlulako na?

²⁶⁷ Manje, ku-ogani lapho, *Kholwa Kuphela*. Akutsi wonkhe umuntfu losekhatsi lapha ukhotsamise inhloko yakho, futsi njengoba labantfu laba bahamba ngelilayini, sitobeka tandla etikwabo kutsi baphiliswe. Wonkhe umuntfu akhuleka. Wonkhe umfundisi, batsintseni lapho basendlula.

²⁶⁸ Babe wetfu loseZulwini, siletsa kuWe lelilikayini lelikhulu lebantfu, bayagula, Nkhosi, Ngikhulekela kutsi Utobaphilisa bonkhe lapho basendlula ngaphansi kwelugcobo lwetinceku

taKho. Kwangatsi bangendlula kulelilayini futsi wonkhe umuntfu aphiliswe ngalokuphelele. EGameni laJesu.

[UMnaketfu Branham ukhulekela bantfu imizuzu lesihlanu, lamanengi emavi akhe akevakali—Umhl.] . . . ? . . .

²⁶⁹ Manje basemile, bekani tandla etikwalomunye nalomunye, bekani tandla tenu etikwalomunye nalomunye manje. Manje, lesi sikhatsi senu kutsi . . . Niyangikholwa na? 

61-0218 LiBhalisamu KaGileyadi
EFirst Assembly Of God Of Long Beach
ELong Beach, ECalifornia E-U.S.A.

SWATI

©2024 VGR, ALL RIGHTS RESERVED

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Inotsisi yelilungelo lemtsetfo

Onkhe emalungelo agodliwe. Lencwadzi ingaprintwa ngeprinta yasekhaya yentelwe kutsi umuntfu atisebentisele yena noma kutsi iniketwe labanye, mahhala, njengelithulusi lekusabalalisa liVangeli laJesu Khristu. Lencwadzi akukamele itsengiswe, iphindze ikhicitwe tibetinengi, iposwe kuwebsayithi, igcinwe ngeluhlelo lwekutsi iphindze itfolakale, ihunyushelwe kuletinye tilwimi, noma isetjentiselwe kuticelela timali ngaphandle kwemvumo lebhaliwe lecondzile ye Voice Of God Recordings®.

Mayelana nelwati lolwenetiwe noma lwalwenye impahla lekhona, sita uchumane ne:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org